

Na temelju članka 61. Zakona o upravi ("Službeni glasnik BiH" br.32/02 i 102/09) i 62. Zakona o športu u Bosni i Hercegovini ("Službeni glasnik BiH" br.27/08 i 102/09), ravnatelj Agencije za antidoping kontrolu objavljuje pravila usaglašena sa Svjetskim antidoping kodeksom, i to:

PRAVILA O DOPING KONTROLI NA ŠPORTSKIM NATJECANJIMA I IZVAN NATJECANJA

PRVI DIO - OPĆE ODREDBE

Članak 1. (Predmet pravila)

Ovim pravilima uređuje se doping kontrola koja se sprovodi na športskim natjecanjima i izvan športskih natjecanja u Bosni i Hercegovini.

Članak 2. (Doping kontrola)

Doping kontrola u smislu ovih pravila je postupak koji uključuje planiranje kontrola, izbor športaša za kontrole, proces uzimanja prikupljanja i rukovanja uzorcima, postupak slanja uzoraka na laboratorijsku analizu, provođenje laboratorijske analize, vođenje rezultata i utvrđivanje registrirane test grupe športaša u Bosni i Hercegovini (u daljnjem tekstu: registrirana test grupa).

Članak 2a. (Službena osoba)

Službenim osobama Agencije za antidoping kontrolu u smislu ovih pravila smatraju se:

- a) Ravnatelj;
- b) Pomoćnik ravnatelja za administraciju, međunarodnu suradnju i odnose sa javnošću;
- c) Pomoćnik ravnatelja za prevenciju, edukaciju, istraživanje i razvoj;
- d) Predsjednik Odbora za terapijska izuzeća TUE;
- e) Predsjednik odbora za antidoping kontrolu
- f) Državni službenici uposljeni u Sektoru za prevenciju, edukaciju, istraživanje i razvoj.

Članak 3. (Provođenje doping kontrole)

- (1) Doping kontrola provodi se u skladu sa Zakonom o športu Bosne i Hercegovine, Odlukom o ratifikaciji Međunarodne konvencije protiv dopinga u športu, Evropskom konvencijom o sprječavanju dopinga u športu, ovim pravilima, međunarodnim standardima za testiranje odobrenim od strane Svjetske antidoping agencije, a u slučajevima kada se doping kontrola poduzima na međunarodnom natjecanju na teritoriji Bosne i Hercegovine - pod rukovodstvom međunarodnog športskog saveza, i po propisima tog saveza.
- (2) Doping kontrola sprovodi se pored navedene primjene akata iz stavka (1) ovog članka i u skladu sa antidoping propisima nadležnog međunarodnog i Športskog saveza određene vrste športa u Bosni i Hercegovini (u daljem tekstu: športski savez).

- (3) Antidoping propisi nadležnog športskog saveza iz stavka (2) ovog članka primenjuju se ukoliko su u suglasnosti sa zakonom, ovim pravilima antidoping propisima nadležne međunarodne športske asocijacije, Svjetskim antidoping kodeksom (u daljem tekstu Kodeks.)
- (4) Agencija za antidoping kontrolu u (u daljem tekstu: Agencija) najmanje dva puta godišnje podnosi izvještaj o sprovedenoj doping kontroli Ministarstvu civilnih poslova Bosne i Hercegovine *alternativa* (Vijeću ministra Bosne i Hercegovine) i Svjetskoj antidoping agenciji.
- (5) Svi termini i definicije iz ovih pravila imaju značenje utvrđeno Zakonom o športu u Bosni i Hercegovini i Svjetskim antidoping kodeksom.

Članak 4. (Koordinacija aktivnosti)

U cilju obavljanja poslova sistematskog praćenja i koordiniranja aktivnosti protiv dopinga u športu Olimpijski komitet Bosne i Hercegovine; športski savezi i druge pravne osobe u oblasti športa obavezni su da odrede odgovornu osobu za nadzor sprovođenja mjera na sprečavanju dopinga i suradnju sa Agencijom u provođenju doping kontrole i dostavljanju propisanih podataka.

Članak 5. (Testiranje)

5.1 Nadležnost za testiranje

Svi sportisti pod nadležnošću nacionalne federacije će biti predmetom testiranja od strane Agencije za antidoping kontrolu, međunarodne federacije sportiste, nacionalne federacije sportiste i bilo koje druge antidoping organizacije odgovorne za testiranje na takmičenju ili sportskom događaju u kojem učestvuju. Svi sportisti kojima traje period nepodobnosti ili kojima traje privremena suspenzija, bit će predmetom testiranja bilo gdje i bilo kada, sa ili bez prethodne najave, na takmičenju ili izvan takmičenja od strane Agencije za antidoping kontrolu, međunarodne federacije sportiste, WADA-e, nacionalne federacije sportiste, nacionalne antidoping organizacije bilo koje zemlje gdje je sportista prisutan ili je građanin, ili ima mjesto stanovanja, licencu ili je član sportskog udruženja, MOK-a u vezi sa olimpijskim igrama, MPK-a u vezi sa paraolimpijskim igrama, i bilo koje druge antidoping organizacije odgovorne za testiranje na natjecanju ili sportskom događaju gdje sportista učestvuje.

Svi sportisti moraju prihvatiti zahtjev za testiranjem od strane bilo koje antidoping organizacije sa nadležnošću za testiranje.

5.2 Plan distribucije testiranja

U saradnji sa drugim antidoping organizacijama koje provode testiranje istih sportista, a dosljedno sa Međunarodnim standardom za testiranje, Agencija za antidoping kontrolu će:

5.2.1 Planirati i sprovesti tačan broj testiranja na takmičenju i izvan takmičenja nad kojim ima nadležnost, uključujući ali ne i ograničeno na sportiste u svojim Registriranim test grupama

5.2.2 Osim u izuzetnim okolnostima, sva testiranja izvan takmičenja će biti bez prethodne najave.

5.2.3 Ciljano testiranje smatrati prioritarnim

[Komentar stava 5.2.3.: Ciljano testiranje je posebno navedeno zato što testiranje nasumce, ili čak ponderirano testiranje nasumce, ne garantuje da će svi odgovarajući sportisti biti testirani. (Na primjer, sportisti svjetske klase, sportisti čiji su rezultati dramatično poboljšani u kratkom razdoblju, sportisti čiji su treneri radili sa sportistima koji su bili pozitivni, itd.)

Očito, ciljano testiranje ne smije se koristiti ni u jednu drugu svrhu osim za zakonitu doping kontrolu. Ova antidoping pravila jasno navode da sportisti nemaju prava očekivati da budu testirani samo

nasumce. Slično tome, ona ne nameću nikakvu opravdanu sumnju ili vjerovatni uzrok kao zahtjev za ciljano testiranje.]

5.2.4 Provoditi testiranje na sportistima koji se nalaze u statusu nepodobnosti ili pod privremenom sankcijom.

5.3 Standardi za testiranje

Testiranje koje sprovodi Agencija za antidoping kontrolu i nacionalne federacije moraju biti u skladu sa međunarodnim standardom za testiranje koji je na snazi u vrijeme testiranja.

5.3.1 Krvni (ili drugi koji nisu uzorci urina) uzorci mogu biti korišteni za otkrivanje zabranjenih tvari ili zabranjenih metoda, u svrhu procedure provjeravanja, ili za longitudinalno hematološko profiliranje („pasoš“).

5.4 Koordinacija testiranja

5.4.1 Testiranje na sportskom događaju

Sakupljanje uzoraka za doping kontrolu će se vršiti i na međunarodnim i na nacionalnim sportskim događajima. Međutim, osim ako je drugačije propisano ispod, samo jedna organizacija bi trebala biti odgovorna za iniciranje i vođenje testiranja za vrijeme trajanja sportskog događaja. Na međunarodnim događajima, prikupljanje uzoraka za doping kontrolu bit će inicirano i vođeno od strane međunarodne organizacije koja je rukovodeće tijelo na događaju (npr. Međunarodni olimpijski komitet za olimpijske igre, međunarodna federacija za svjetsko prvenstvo, Pan-američka sportska organizacija za Pan američke igre, itd.). Na državnim sportskim događajima, sakupljanje uzoraka za doping kontrolu će biti inicirano i vođeno od strane Agencije za antidoping kontrolu.

5.4.1.1 Ako Agencija za antidoping kontrolu ipak odluči da izvrši dodatno testiranje sportista na sportskom događaju na kojem nije odgovorna za iniciranje i vođenje testiranja za vrijeme trajanja sportskog događaja, Agencija za antidoping kontrolu će se prvo savjetovati sa rukovodećim tijelom sportskog događaja da bi dobila dozvolu za provođenje i koordiniranje dodatnog testiranja. Ako Agencija za antidoping kontrolu ne bude zadovoljna sa odgovorom rukovodećeg tijela za sportski događaj, Agencija za antidoping kontrolu može tražiti od WADA-e dozvolu za provođenje dodatnog testiranja i da odredi kako koordinirati takvim dodatnim testiranjem.

[Komentar na Član 5.4.1.1: Antidoping organizacija koja „inicira i vodi testiranje“ može, ako to odabere, ući u pregovore sa organizacijama kojima dodjeljuje odgovornost za prikupljanje uzoraka ili druge aspekte procesa doping kontrole.]

5.4.2 Testiranje izvan takmičenja

Testiranje izvan takmičenja mora biti inicirano i vođeno i od međunarodnih i nacionalnih organizacija. Testiranje izvan takmičenja može biti inicirano i vođeno od strane: (a) WADA-e; (b) Međunarodnog olimpijskog komiteta i Međunarodnog paraolimpijskog komiteta vezano za olimpijske i paraolimpijske igre; (c) Agencije za antidoping kontrolu ili nacionalnih federacija; ili (d) bilo koje antidoping organizacije koja ima nadležnost nad testiranjem nad sportistom kako je to propisano u stavu 5.1 (Nadležnost za testiranje). Testiranje izvan takmičenja mora biti koordinirano putem ADAMS-a gdje je to s razlogom izvodljivo da bi se do maksimuma dovela efikasnost kombiniranog napora za testiranjem i da bi se izbjeglo nepotrebno ponavljanje testiranja pojedinih sportista.

[Komentar na član 5.4.2: Dodatna nadležnost za provođenje testiranja može se odobriti sredstvima bilateralnih ili multilateralnih sporazuma među potpisnicima i vladama.]

5.5 Obaveze sportiste vezane za mjesto prebivališta

- 5.5.1 Agencija za antidoping kontrolu će formirati Registriranu test grupu onih sportista koji moraju poštovati obaveze vezane za mjesto prebivališta iz Međunarodnog standarda za testiranje, i publikovati će kriterije za sportiste koji trebaju biti uključeni u ovu Registriranu test grupu kao i listu sportista koji ispunjavaju te kriterije za vremenski period koji je u pitanju. Agencija za antidoping kontrolu će s vremena na vrijeme po potrebi obnoviti i izvršiti reviziju svojih kriterija za uključivanje sportista u Registriranu test grupu, i izvršiti reviziju članstva u svojoj Registriranoj test grupi s vremena na vrijeme sukladno postavljenim kriterijima. Svaki sportista iz Registrirane test grupe će:
- obavijestiti Agenciju za antidoping kontrolu o svom mjestu prebivališta na tromjesečnoj osnovi dajući tačnu trenutnu informaciju o lokaciji na način određen u stavu 11.3 Međunarodnog standarda za testiranje;
 - obnavljati te informacije po potrebi, u skladu sa stavom 11.4.2 Međunarodnog standarda za testiranje, tako da bi podatci bili tačni i potpuni u svako doba;
 - biti dostupan za testiranje na navedenom mjestu prebivališta, u skladu sa stavom 11.4 Međunarodnog standarda za testiranje

[Komentar na 5.5.1: Svrha Registrirane test grupa Agencije za antidoping kontrolu je da identificira vrhunske nacionalne sportiste od kojih Agencija za antidoping kontrolu zahtijeva da daju podatke o mjestu prebivališta da bi izvršila testiranje izvan takmičenja od strane Agencije za antidoping kontrolu i drugih antidoping organizacija sa nadležnošću nad sportistima. Agencija za antidoping kontrolu će identifikovati takve sportiste u skladu sa odredbama člana 4 i stava 11.2 Međunarodnog standarda za testiranje.

Primjeri kriterija koji bi mogli biti korišteni odvojeno ili u kombinaciji uključuju:

[Sve osvajače medalja] [Članove tima osvajača medalja] sa prethodnih [jednog] [dva] [svjetska prvenstva] [Olimpijskih igara] [prvih 10] [prvih 20] sportista u svakoj disciplini ili [prvih 50] na svjetskoj rang listi ili na svjetskom prvenstvu.

Svaki sportista čija je izvedba [vrijeme ili daljina] bolja ili jednaka sa pedeset najboljih izvedbi u prethodnoj takmičarskoj godini.

Svaka nacionalna federacija će izvjestiti Agenciju za antidoping kontrolu o izvedbama, imenima i adresama svih sportista čije izvedbe potpadaju pod kriterije registrirane test grupe koje je odredila Agencija za antidoping kontrolu.

- 5.5.2 Neispunjavanje obaveze od strane sportiste da obavijesti Agenciju za antidoping kontrolu o mjestu prebivališta će se smatrati neispunjavanjem obaveze popunjavanja u svrhu Člana 2.4 gdje su ispunjeni uslovi iz stava 11.3.5 Međunarodnog standarda za testiranje.
- 5.5.3 Za sportistu koji nije dostupan za testiranje na mjestu prebivališta koje je naveo/la će se smatrati da je počinio prekršaj „Propušteni test“ u svrhu stava 2.4 Modela pravila gdje su ispunjeni uslovi iz stava 11.4.3 Međunarodnog standarda za testiranje.
- 5.5.4 Svaka nacionalna federacija će takođe asistirati Agenciji za antidoping kontrolu u uspostavljanju njene Registrirane test grupe najboljih nacionalnih sportista na koje se odnose zahtjevi o mjestu prebivališta iz Međunarodnog standarda za testiranje. Ako se ovi sportisti takođe nalaze u međunarodnoj Registriranoj test grupi, međunarodna federacija i Agencija za antidoping kontrolu će se dogovoriti (uz asistenciju WADA-e ako je potrebno) koja od njih će preuzeti odgovornost za uzimanje podataka o mjestu prebivališta od sportiste i podjele istih sa drugim (i sa drugim antidoping organizacijama) u skladu sa 5.5.5.
- 5.5.5 Informacije o mjestu prebivališta dobivene na osnovu 5.5.1 i 5.5.4 će se dijeliti sa WADA-om i drugim antidoping organizacijama koje imaju nadležnost da testiraju sportistu u skladu sa stavovima 11.7.1 (d) i 11.7.3 (d) Međunarodnog standarda za testiranje, uključujući uslove pod kojim one moraju biti čuvane u strogoj povjerljivosti cijelo vrijeme, korištene isključivo za planiranje, koordinaciju i provođenje testiranja i uništene nakon što više nisu relevantne za ove svrhe.

5.6 Mirovina i povratak na takmičenja

- 5.6.1 Sportista koji je uvršten od strane Agencije za antidoping kontrolu Registriranu test grupu agencije za antidoping kontrolu će nastaviti da bude predmetom ovih antidoping pravila, uključujući ispunjavanje obaveze o mjestu prebivališta Međunarodnog standarda za testiranje osim ako i sve dok sportista ne dadne pismenu obavijest Agenciji za antidoping kontrolu da je u mirovini ili sve dok on prestane ispunjavati kriterije za uvrštavanje u Registriranu test grupu Agencije za antidoping kontrolu i dok ne bude o tome obaviješten od Agencije za antidoping kontrolu.
- 5.6.2 Sportista koji je dostavio obavijest o mirovini Agenciji za antidoping kontrolu ne može nastaviti sa takmičenjima osim ako ne obavijesti Agenciju za antidoping kontrolu najmanje šest mjeseci prije nego što se očekuje vratiti na takmičenja i sebe učini dostupnim za testiranje izvan takmičenja, uključujući (ako se zahtijeva) ispunjavanje obaveza o mjestu prebivališta Međunarodnog standarda za testiranje, u bilo koje vrijeme za vrijeme perioda prije stvarnog povratka na takmičenja.
- 5.6.3 Nacionalne federacije mogu uspostaviti slične obaveze za mirovinu povratak na takmičenja za sportiste u njihovoj Registriranoj test grupi.

5.7 Izbor sportista za testiranje

- 5.7.1 Na nacionalnim takmičenjima, Agencija za antidoping kontrolu, u saradnji sa nacionalnim federacijama (gdje je to izvodljivo) će odrediti broj mjesta po plasmanu, nasumičnih testova i ciljanih testova koji se trebaju izvesti.
- [5.7.1.1 (Za timske sportove ili druge sportove gdje se nagrada dodjeljuje timovima) ... jedan sportista odabrani nasumice iz svakog od prva tri plasirana tima, i jedan sportista izabran nasumice iz svakog od ostalih timova na takmičenju.
- 5.7.1 Pored odabranih procedura predviđenim u 5.7.1, Agencija za antidoping kontrolu može na nacionalnim sportskim događajima, uz koordinaciju sa nacionalnim federacijama (gdje je to izvodljivo), takođe izabrati sportiste ili timove za ciljano testiranje sve dok se takvo ciljano testiranje ne koristi u drugu svrhu osim legitimne svrhe doping kontrole.
- 5.7.2 Sportiste će za testiranje izvan natjecanja izabrati Agencija za antidoping kontrolu i/ili nacionalne federacije putem procesa koji je u skladu sa Međunarodnim standardom za testiranje.

5.8 Nezavisni program praćenja

Sportska udruženja i organizatori za sportske događaje na nivou Bosne i Hercegovine će obezbijediti pristup nezavisnim posmatračima na sportskim događajima u skladu sa Nezavisnim programom praćenja.

U svrhu sistematičnog praćenja i koordinacije aktivnosti protiv dopinga u sportu u Bosni i Hercegovini, sportska udruženja su obavezna odrediti osobu odgovornu za praćenje mjera provođenja prevencije dopinga i koordinacije sa Agencijom u provođenju doping kontrole i izvještavanja o propisanim podacima.

DRUGI DIO - OSOBE KOJA PODLIJEŽU DOPING KONTROLI

Članak 6.

(Primjenjivanje obaveza)

(1) Obaveze utvrđene Kodeksom i ovim pravilima u vezi doping kontrole primenjuju se:

- a) na sve pravne osobe u oblasti športa koje imaju sjedište na teritoriji Bosne i Hercegovine ili obavljaju športske aktivnosti i djelatnosti na teritoriji Bosne i Hercegovine;

- b) na sve fizičke osobe u oblasti športa koja sudjeluju u obavljanju športskih aktivnosti na teritoriji Bosne i Hercegovine, neovisno od njihovog državljanstva, ako Kodeksom i ovim pravilima nije drugačije određeno;
- c) na sve ostale sudionike (posebno, pomoćno osoblje športaša), u obavljanju športskih aktivnosti i djelatnosti na teritoriji Bosne i Hercegovine, neovisno od njihovog državljanstva, ako Kodeksom i ovim pravilima nije drugačije određeno.

(2) Organizacije i osobe iz stava (1) ovog člana dužni su da dozvole i omoguće sprovođenje doping kontrole i surađuju sa Agencijom i službenim osobama Agencije u provođenju doping kontrole.

Članak 7.

(Dodatne uloge i odgovornosti sportista i drugih osoba)

7.1 Uloge i odgovornosti sportista

- 7.1.1 Da su upoznati i da se pridržavaju ovih antidoping pravila
- 7.1.2 Da budu dostupni za prikupljanje uzoraka.
- 7.1.3 Da preuzmu odgovornost, u kontekstu antidopinga, za ono što gutaju i koriste.
- 7.1.4 Da obavijeste medicinsko osoblje o njihovoj obavezi da ne koriste zabranjene tvari i zabranjene metode i da preuzmu odgovornost pri osiguravanju da bilo koji medicinski tretman koji je korišten ne krši ova antidoping pravila.

7.2 Uloge i odgovornosti pomoćnog osoblja sportiste.

- 7.2.1 Da su upoznati i da se pridržavaju ovih antidoping pravila.
- 7.2.2 Da surađuju u programu testiranja sportiste.
- 7.2.3 Da koriste svoj uticaj na vrijednosti i ponašanje sportiste da gaji antidoping vrijednosti.

TREĆI DIO - PROVOĐENJE DOPING KONTROLE

Članak 8.

(Provođenje kontrole)

Doping kontrola na natjecanjima u Bosni i Hercegovini može se sprovoditi isključivo od strane ovlaštenih i kvalificiranih doping kontrolora, odnosno osoba koja posjeduju iskaznicu kontrolora koju je izdala Agencija ili koju je Agencija priznala kao ekvivalentnu.

Članak 9.

(Dokumenti za provođenje kontrole)

- (1) Doping kontroloru se, u cilju predstavljanja, izdaje službena iskaznica doping kontrolora, neposredno prije vršenja doping kontrole i drugih službenih ovlaštenja koja imaju u skladu sa Kodeksom i ovim pravilima. Iskaznicu doping kontroloru izdaje ravnatelj Agencije ili osoba koju on ovlasti;
- (2) Doping kontrolor se predstavlja prije početka sprovođenja doping kontrole pokazivanjem službene iskaznice osobi, prema kojoj se sprovodi doping kontrola;
- (3) Ravnatelj Agencije odlučuje o priznavanju iskaznice doping kontrolora koju nije izdala Agencija.
- (4) Doping kontrolor prilikom sprovođenja doping kontrole nosi oko vrata i identifikacionu karticu, čiji izgled utvrđuje ravnatelj Agencije, osim ako mu na tom natjecanju već nije dodijeljena odgovarajuća identifikaciona kartica od strane organizatora natjecanja.

Članak 10. (Pravila)

Pravilima o službenoj iskaznici službenih osoba Agencije za antidoping kontrolu i službenoj iskaznici doping kontrolora i znački je utvrđen sadržaj oblik izgled službene iskaznice državnog službenika Agencije i službene iskaznice doping kontrolora i značke.

Članak 11. (Imenovanje doping kontrolora)

- (1) Za doping kontrolora se imenuje osoba sa odgovarajućim društvenim ili medicinskim obrazovanjem i koja je prethodno završila obuku za doping kontrolore koju je organizirala Agencija.
- (2) Ravnatelj Agencije posebnom odlukom propisuje uvjete za izbor i imenovanje osobe za doping kontrolora.
- (3) Doping kontrolor se imenuje na period od dvije godine i može biti ponovo imenovan.
- (4) Doping kontrolor je obavezan da sudjeluje u stručnom usavršavanju koje organizira Agencija ili na koje ga uputi Agencija. U slučaju neopravdanog nesudjelovanja, nesavjesnog rada, nedovoljnog broja kontrola, učinjenih propusta i nanošenja štete bilo kome u procesu antidoping kontrole, Odbor za antidoping podnosi zahtjev ravnatelju Agencije za razrešenje doping kontrolora.
- (5) Program obuke iz stava (1) ovog člana utvrđuje ravnatelj Agencije u skladu sa standardima i preporukama Svjetske antidoping agencije.

ČETVRTI DIO - PLANIRANJE TESTOVA I IZBOR ŠPORTAŠA ZA TESTIRANJE

Članak 12. (Planiranje testiranja)

- (1) Doping kontrola sprovodi se:
 - a) na temelju godišnjeg programa sprovođenja doping kontrole, koji donosi Agencija;
 - b) na temelju posebne odluke ravnatelja Agencije;
 - c) na prijedlog športskog saveza određene vrste športa ili međunarodne športske asocijacije;
 - d) na prijedlog športaša;
 - e) na prijedlog športske organizacije športaša;
 - f) na prijedlog organizatora športske priredbe.

U slučajevima iz stava (1) točke točke od d)-f) ovog članka, Agencija zaključuje ugovor sa predlagačem o provođenju doping kontrole.

- (2) Godišnji program sprovođenja doping kontrola se utvrđuje na temelju tri prioriteta: planiranje i sprovođenje djelatnog broja kontrola tokom natjecanja i izvan njega; davanje prioriteta testiranju bez ranijeg obavještenja; sprovođenje ciljanog testiranja.
- (3) Pri određenju športskih natjecanja na kojima će se sprovesti doping kontrola, prioritet imaju športska prvenstva na nivou Bosne i Hercegovine, kvalifikacijska natjecanja koja izravno vode ka sudjelovanju na natjecanjima u prvenstvima Bosne i Hercegovine športskim prvenstvima i na natjecanju koja izravno utječu na sudjelovanje na međunarodnim športskim natjecanjima.
- (4) Agencija obavezno poduzima ciljano testiranje športaša koji želi da se ponovno uključi u športska natjecanja po isteku sankcije zbog povrede antidoping propisa.

PETI DIO - REGISTRIRANA TEST GRUPA ŠPORTAŠA BOSNE I HERCEGOVINE

Članak 13.

(Formiranje registrovane test grupe)

- (1) Agencija u suradnji sa nadležnim športskim savezima ustanovljava Registriranu test grupu športaša u Bosni i Hercegovini (u daljnjem tekstu: registrirana test grupa.)
- (2) U registriranu test grupu ulaze:
 - a) športaši koji su od strane Olimpijskog komiteta Bosne i Hercegovine označeni kao olimpijski kandidati
 - b) vrhunski športaši, kategorisani u tu kategoriju u skladu sa Pravilima o kategorizaciji športaša na nivou Bosne i Hercegovine;
 - c) športaši koji su proglašeni odgovornim za povredu antidoping propisa i športaši koji žele da nastave športsku karijeru nakon isteka mjere zabrane sudjelovanja na natjecanjima zbog dopinga;
 - d) športaši koji su u registrovanoj test grupi nadležne međunarodne športske asocijacije;
 - e) športaši koji su članovi športskih reprezentacija Bosne i Hercegovine;
 - f) športaši čiji je rezultat u tri najbolja rezultata u Bosni i Hercegovini, postignuta u prethodnoj/tekućoj godini;
 - g) športaši kod kojih je zabilježeno značajno i neočekivano poboljšanje rezultata u proteklih 12 mjeseci;
 - h) športaši koji su ciljano odabrani od strane Agencije;
 - i) športaši koji su u registriranoj test grupi športskih saveza obrazovanoj u skladu sa propisima nadležne međunarodne športske asocijacije.
 - j) suspendirani ili zbog povrede antidoping propisa kažnjeni športaši koji i za vrijeme suspenzije ili zabrane sudjelovanja na natjecanjima ostaju članovi registrirane test grupe.
- (3) Registrirana test grupa iz stava (1) ovog članka se redovno provjerava i aktuelizira i u tom cilju su Olimpijski komitet Bosne i Hercegovine i športski savezi obavezni da bez odlaganja obavijeste Agenciju o športašima iz stava (2) ovog člana kao i o nastalim promjenama.
- (4) Registrirana test grupa iz stava (1) ovog članka se ustanovljava radi planiranja i provođenja doping kontrole izvan natjecanja i preventivnog djelovanja.

Članak 14.

(Obaveze člana registrirane test grupe)

- (1) Športaši iz registrirane test grupe, obavezni su da Agenciju i ovlaštenu osobu (odgovornu osobu za nadzor nad sprovođenjem mjera za sprečavanje dopinga) u njihovom športskom savezu, redovno i točno obavještavaju o mjestu boravka i dostupnosti.
- (2) Podaci iz stava (1) ovog člana čuvaju se kao povjerljivi i mogu se koristiti isključivo u svrhe planiranja, koordiniranja i sprovođenja doping kontrola.
- (3) Obaveza iz stava (1) ovog člana sastoji se u pojedinosti u obavezi dostavljanja obavještenja o:
 - a) svakoj promjeni mjesta boravišta (točna adresa);
 - b) vremenu i mjestu (točna adresa) održavanja treninga (okvirni plan treninga);
 - c) mjesto (točna adresa) i vrijeme športskih natjecanja (zvaničnih ili prijateljskih) i trening kampova, u kojima športaš sudjeluje;
 - d) telefonska dostupnost (kontakt telefon i, eventualno, osoba za kontakt) u slučaju napuštanja uobičajenog mjesta boravka;
 - e) odsustvu iz mjesta boravka duže od pet dana i vraćanju u mjesto boravka poslije odsustva;
 - f) prestanku aktivnog bavljenja športom i sudjelovanja na športskim natjecanjima;

g) temeljnim podacima o športasu (ime i prezime, ime oca, pol, datum i mjesto rođenja, adresa stanovanja, adresa za prijem pošte ako je drugačija od adrese stanovanja, broj telefona na poslu i kući, broj mobilnog telefona, broj faksa, e-mail adresa, vrsta športa i disciplina, ime i prezime i broj telefona druge osobe za kontakt, naziv nacionalne športske asocijacije i športske organizacije čiji je član).

- (4) Odgovorna osoba nadležne nacionalne športske asocijacije za nadzor nad sprovođenjem mjera za sprječavanje dopinga dostavlja Agenciji, bez odlaganja, podatke iz st. (1) i (3) ovog članka.
- (5) Podaci iz stavka (1) i (3) ovog člana dostavljaju se na obrascima koje utvrđuje Agencija. Obrasci se objavljuju i na internet stranici Agencije s tim da Agencija može omogućiti i direktno dostavljanje (popunjavanje) obrazaca preko internet stranice Agencije. U hitnim slučajevima podaci se mogu dostaviti i telefonom, e-mailom i SMS porukom, s tim da bez odlaganja budu naknadno dostavljeni i na utvrđenom obrascu.

Članak 15. (Obaveze saveza)

Nadležni športski savez dužan je:

- a) da najmanje sedam dana prije održavanja natjecanja koje organizira, ili koje je pod njenom kontrolom, prijavi natjecanje Agenciji;
- b) da najmanje jedanput u šest mjeseci obavijesti Agencije o planovima treninga i priprema vrhunskih športasa i reprezentativnih selekcija Bosne i Hercegovine.

Članak 16. (Naknada troškova)

Ukoliko usljed nedostatka ili manjkavosti podataka iz članaka **(14) i (15)** ovih pravila doping kontrola nije mogla biti sprovedena, troškove pripreme doping kontrole snosi odgovorna osoba (športas, športski savez određene vrste športa ili organizator natjecanja).

Članak 17. (Obavijest o uvrštavanju)

- (1) Agencija obavještava športasa i njegov športski savez da ga je uvrstila u registriranu test grupu, bez odlaganja.
- (2) Agencija obavještava športase iz registrirane test grupe u Bosni Hercegovini o pravima i obavezama vezanim za sprovođenje doping kontrole, a posebno o:
- a) načinu podnošenja zahteva za odobravanje izuzetaka (izuzeća) za terapijsku upotrebu (TUE);
- b) popunjavanju obrazaca i prijavi podataka iz člana 14. ovih pravila;
- c) vremenskom roku za ispunjavanje propisanih obaveza i posljedicama njihovog neispunjavanja.

Ukoliko športas ne postupi u skladu sa obavještenjem iz stava (2) ovog članka i ne dostavi podatke iz članka **14.** ovih pravila blagovremeno, ili ih dostavi nepotpuno, Agencija će upozoriti športasa da će, ukoliko ne dostavi potrebne podatke u daljem roku od 7 (sedam) dana, biti pokrenut postupak u skladu sa članom 79. ovih Pravila.

Članak 18.
(Ažuriranje podataka)

- (1) Agencija će blagovremeno i redovito (po propisu svaka tri mjeseca i prije početka natjecateljske sezone), ažurirati podatke o registriranoj test grupi u zavisnosti od kalendara natjecanja.
- (2) Športaš se uključuje u registriranu test grupu čim ispuni kriterije za uključivanje predviđene ovim Pravilima.
- (3) U slučaju da više ne ispunjava kriterije za pripadnost nacionalnoj registrovanoj test grupi, športaš ostaje u grupi sve do sljedećeg redovitog pregleda podataka, osim ukoliko se nije pismeno izjasnio da se povlači iz aktivnog bavljenja športom.

ŠESTI DIO - IZBOR ŠPORTAŠA ZA TESTIRANJE

Članak 19.
(Na natjecanju)

- (1) Športaši se biraju za testiranje na natjecanjima, u skladu sa prethodno utvrđenim planom i odlukama Agencije:
 - a) metodom slučajnog odabira;
 - b) na temelju postignutih rezultata;
 - c) po sopstvenom izboru doping kontrolora Agencije;
 - d) na prijedlog nadležne športskog saveza;
 - e) na prijedlog organizatora športskog natjecanja;
- (2) Športaši se na natjecanjima, po propisu, biraju na sledeći način:
 - a) na natjecanjima športaša pojedinaca: tri prvoplasirana športaša i još jedan športaš; športaši koji obore ili izjednače nacionalni, evropski ili svjetski rekord;
 - b) na kolektivnim (timskim) športskim natjecanjima - dva ili tri športaša iz svake ekipe, nasumičnim izvlačenjem;
 - c) točno određeni športaš - ako postoji sumnja da je dopingiran ili prema procjeni doping kontrolora.
- (3) U slučaju dileme o načinu izbora športaša za testiranje, shodno se primjenjuju odgovarajući propisi nadležne međunarodne športske asocijacije.
- (4) Na natjecanjima koja traju duže vrijeme (turniri), svaki tim je uključen u program doping kontrole i svaki tim, odnosno športaš može biti testiran više puta.
- (5) Izvlačenju športaša koji će se testirati obavezno prisustvuju ovlašteni predstavnici nadležnog športskog saveza, odnosno kluba čiji su športaši članovi, uključujući i predstavnike protivničke ekipe.

Članak 20.
(Kontrola izvan natjecanja)

Kontroli izvan natjecanja podlježu:

- (1) u športaši:
 - a) koji se nalaze u nacionalnoj registriranoj test grupi,
 - b) kojima je izrečena mjera zabrane sudjelovanja na natjecanjima zbog povrede antidoping propisa dok traje period zabrane;
 - c) športaši za koje je određeno ciljno testiranje.

(2) Športaši se biraju za testiranje izvan natjecanja:

- a) u skladu sa prethodno utvrđenim periodičnim planom kontrole;
- b) metodom slučajnog uzorka (loz sistem);
- c) na temelju posebne odluke ravnatelja Agencije;
- d) na prijedlog Olimpijskog komiteta Bosne i Hercegovine
- e) na prijedlog športskog saveza u određenom športu;
- f) na prijedlog nadležne međunarodne športske asocijacije;
- g) na prijedlog Svetske antidoping agencije ;
- h) na prijedlog športaša;

(3) Kao uvjet za ponovno dobijanje prava sudjelovanja na športskim manifestacijama poslije isteka utvrđenog perioda zabrane sudjelovanja, športaš mora, tokom bilo kog perioda privremene suspenzije ili zabrane, da:

- a) bude na raspolaganju antidoping organizaciji koja je nadležna za testiranje radi obavljanja testiranja izvan natjecanja;
- b) na zahtev Agencije, športskog saveza ili međunarodne asocijacije određene vrste športa dostaviti informacije o svom boravištu.

(4) Ako se športaš kome teče period zabrane sudjelovanja na natjecanjima povuče iz športa i bude isključen iz registrirane test grupe za testiranje izvan natjecanja, a kasnije zatraži da mu se ponovo odobri sudjelovanje na športskim manifestacijama, neće se smatrati da športaš ispunjava uvjete za ponovno dobijanje dozvole dok ne obavijesti relevantne antidoping organizacije i bude podvrgnut testiranju izvan natjecanja u vremenskom periodu jednakom preostalom periodu zabrane računajući od datuma kada se športaš povukao;

SEDMI DIO - MJESTO I STANICA ZA DOPING KONTROLU

Članak 21.

(Mjesto doping kontrole)

- (1) Na doping kontroli izvan natjecanja, doping kontrola može da se sprovede na bilo kojoj pogodnoj lokaciji.
- (2) Određivanje mjesta doping kontrole u nadležnosti je, načelno, doping kontrolora.
- (3) Doping kontrola mora da se sprovede na mjestu koje osigurava potrebnu diskreciju i korektnost kontrole.
- (4) Kontrola izvan natjecanja može da se sprovede na mjestu treninga (npr. stadion športske organizacije), ali i u stanu športaša ako je on sa time suglasan.
- (5) Ukoliko športaš ima primjedbe na odabrano mjesto za doping kontrolu, doping kontrola će se nastaviti ukoliko doping kontrolor smatra da primjedbe nisu opravdane, s tim da će se primjedbe na zahtjev športaša unjeti u obrazac za doping kontrolu.

Članak 22.

(Stanica za doping kontrolu)

- (1) Doping kontrola se, po pravilu, sprovodi na mjestu gde se održava natjecanje.
- (2) Doping kontrola se obavlja u stanici za doping kontrolu (u daljem tekstu: DCS) koja treba, po propisu, da ima najmanje dvadeset kvadratnih metara i sastoji se od: čekaonice, sobe za testiranje i toaleta. Poželjno je da u DCS postoji i tuš.
- (3) Na športskom natjecanja, DCS mora biti jasno obilježena.

- (4) Određivanje DCS u nadležnosti je, načelno, doping kontrolora, koji utvrđuje da li je prostor čist i adekvatan.
- (5) DCS treba da bude opremljena svim potrebnim materijalom koji je odobren od strane Agencije, uključujući i raznovrstan izbor tvornički zatvorenih bezalkoholnih pića za športaše.
- (6) Ukoliko športаш ima primjedbe na odabranu DCS, doping kontrola će se nastaviti ukoliko doping kontrolor smatra da primjedbe nisu opravdane, s tim da će se primjedbe na zahtev športaša unjeti u obrazac za doping kontrolu.

Članak 23.

(Nazočnost doping kontroli)

- (1) Na doping kontroli na natjecanja, u DCS mogu da budu samo: športаш odabran za doping kontrolu i njegov pratilac; doping kontrolor i njegovi asistenti (eskorti); svjedok; predstavnik Agencije ili međunarodne športske asocijacije (na zahtev); predstavnik, službena osoba, Agencije; ovlašteni prevodilac (na zahtjev, ukoliko je to potrebno).
- (2) Ispred prostorija za doping kontrolu nalazi se na natjecanja, po pravilu, osiguranje koje prati kretanje ljudi koji ulaze i izlaze, i koje sprječava ulazak neovlašćenih osoba.
- (3) Na doping kontroli izvan natjecanja, na mjestu doping kontrole mogu da budu samo: športаш, njegov pratilac; doping kontrolor i njegovi asistenti (eskorti); predstavnik Agencije ili međunarodne športske asocijacije (na zahtjev); službena osoba, predstavnik Agencije (na zahtev); klupski liječnik (na zahtjev); ovlašteni prevodilac (na zahtjev, ako je potrebno).
- (4) O zahtjevu za prisustvo osoba iz st. (1) i (3) ovog članka odlučuje Agencija, odnosno nadležni doping kontrolor.

OSMI DIO - SPROVOĐENJE DOPING KONTROLE

Članak 24.

(Nadležnost)

- (1) Za određivanje, organiziranje i sprovođenje doping kontrole na športskim natjecanjima na teritoriji Bosne i Hercegovine nadležna je Agencija, osim one koju direktno sprovodi nadležni međunarodni športski savez na međunarodnim natjecanjima, koja se organiziraju u Bosni i Hercegovini.
- (2) Agencija može preuzeti u sporazumu sa nadležnim međunarodnim športskim savezom i organiziranje i sprovođenje doping kontrole na međunarodnim natjecanjima iz stava (1) ovog članka.
- (3) Za određivanje, organiziranje i sprovođenje doping kontrole izvan športskih natjecanja, nadležna je Agencija

Članak 25.

(Dužnosti doping kontrolora)

- (1) Dužnosti doping kontrolora u vezi sa sprovođenjem doping kontrole su da:
 - a) ne poduzima doping kontrolu ako postoji neki sukob interesa u odnosu na rezultat doping kontrole;
 - b) saopći, osobno ili u izuzetnom slučaju telefonom, športašu da je izabran za doping kontrolu, i da se mora podvrgnuti doping kontroli (ukoliko je športаш usmeno obavješćen, naknadno mu se uručuje pismeno obavješćenje);
 - c) provjeri da li je potrebno obavješćenje treće osobe o doping kontroli prije obavješćenja športaša, što će postojati u slučaju maloljetnog športaša i ako invaliditet športaša to zahtjeva;
 - d) da saopći športašu mjesto doping kontrole, odnosno gdje se nalazi DCS;
 - e) osigura da ne postoji nikakva mogućnost za manipulaciju pri davanju uzoraka;
 - f) saopći naziv institucije u čije ime sprovode doping kontrolu;
 - g) upozna športaša sa njegovim pravima i obavezama;

- h) saopći športašima da se od trenutka obavještenja o doping kontroli pa do zaključenja doping kontrole ne smiju udaljavati iz vidnog polja doping kontrolora, odnosno ovlaštenog pratioca;
 - i) imaju odgovarajuću iskaznicu izdatu od strane Agencije i/ili koju je ona priznala kao ekvivalentnu, i njom se legitimiraju športašu, a na zahtjev športaša ili njegovog zakonskog zastupnika i da svoj identitet dodatno dokumentiraju osobnom kartom (ili pasošem);
 - j) prije športskog natjecanja posjete športski objekat, odnosno organizatora natjecanja i informiraju odgovarajuće službene osobe (npr . tehničkog delegata) o potrebama doping kontrole i da se uvjere da je DCS adekvatno opremljena;
 - k) se uvjere da je Agencija i/ili međunarodna športska asocijacija poslala sve obrasce i setove za doping kontrolu i da vode računa o sigurnosti istih;
 - l) osiguraju, ukoliko je neophodno, športašima pratiocce (eskorte) do mjesta za davanje uzorka, odnosno DCS, koji posjeduju odgovarajuću identifikaciju (akreditaciju) i upoznati su sa planom natjecanja i rasporedom prostorija u športskom objektu;
 - m) se uvjere da su športaši i njihovi pratioci razumjeli koja će se vrsta uzorka uzeti i kakva je procedura uzimanja uzorka;
 - n) dozvole športašima da se adekvatno rehidriraju prije davanja uzorka;
 - o) omoguće športašu da samostalno izabere posudu za uzimanje uzorka i kit;
 - p) omogući športašu da sa sobom povede jednog pratioca i, ako je potrebno, prevodioca;
 - q) omogući na zahtjev maloljetnog športaša prisustvo njegovog zakonskog zastupnika pri davanju uzorka, pri čemu zakonski zastupnik neće direktno nadzirati davanje uzorka urina, osim ako športaš to želi;
 - r) nadgledaju uzimanje uzoraka u stanici za doping kontrolu;
 - s) točno i potpuno ispune svu dokumentaciju na odgovarajućim obrascima;
 - t) prihvate i notiraju sve žalbe i prigovore na neregularnosti u vezi sa procedurom doping kontrole i o tome izvijeste Agenciju i/ili međunarodnu športsku asocijaciju ;
 - u) oduzme sve predmete koji su korišteni ili za koje postoji sumnja da su korišteni u povredi antidoping propisa i na drugi pogodan način osigura pribavljanje dokaza o povredi antidoping propisa.
- (2) Ako športaš odbije da primi ili potpiše obavještenje o doping kontroli ili izjavi da neće doći na doping kontrolu, doping kontrolor obavještava športaša o njegovoj obavezi da se podvrgne doping testu, uključujući i objašnjenje športašu da će ukoliko odbije da se podvrgne testiranju se smatrati kao da je na testu bio pozitivan i da samim tim može snositi sankcije. Odbijanje športaša se upisuje u odgovarajući obrazac.

Član 26. (Dužnosti športaša)

- (1) Dužnosti športaša u vezi sa doping kontrolom su da:
- a) kada je obaviješten da je izabran za doping kontrolu potpiše odgovarajući obrazac;
 - b) dostavi doping kontroloru dokument za osobnu identifikaciju (osobna karta, pasoš, važeća licenca sa fotografijom);
 - c) slijedi doping kontrolora i/ili svog pratioca (eskorta) do mjesta za doping kontrolu odnosno DCS, u najkraćem roku, odnosno najkasnije u roku od 60 minuta od momenta obavještenja da je izabran za doping kontrolu, osim ako doping kontrolor nije odredio drugo vrijeme;
 - d) obavijesti doping kontrolora ukoliko sudjeluje u daljem natjecanju istog dana. U tom slučaju, doping kontrolor može naložiti da se testiranje obavi kasnije u toku dana, pod uvjetom da je športaš pod stalnom pratnjom do povratka u stanicu za doping kontrolu radi davanja uzorka;
 - e) da uzorak urina i/ili krvi;
 - f) napusti mjesto za doping kontrolu, odnosno DCS samo uz dopuštenje doping kontrolora, a pod uvjetom da sve vrijeme bude u pratnji i nadgledan od strane doping kontrolora ili eskorta (vrijeme napuštanja i povratka se upisuje u odgovarajući obrazac);

- g) poštuje propise za sprovođenje doping kontrole utvrđene ovim pravilima i uputstva doping kontrolora.
- (2) Doping kontrola se može sprovesti i kad športaš nema pri sebi dokument za osobnu indentifikaciju ukoliko je osobno poznat doping kontroloru.

Članak 27.

(Dužnosti organizatora)

Dužnosti organizatora športskog natjecanja na kome je određeno da će se sprovesti doping kontrola su:

- a) da osigura adekvatnu prostoriju i potrebnu opremu za doping kontrolu;
- b) da surađuje sa doping kontrolorima i ovlaštenim službenim licima Agencije;
- c) da izda potrebne akreditacije za sudjelovanje u doping kontroli i praćenje športskog natjecanja doping kontrolorima i ovlaštenim službenim licima Agencije (ravnatelj, predsjednik Komisije za terapijska izuzeća TUE, predsjednik Odbora za antidoping) koje odredi Agencija.
- d) obezbijediti financijska sredstva za potpunu sprovedbu doping kontrole; nabavke kitova za uzorke; dnevnice doping kontrolora (i pratnje, ako to takmičenje zahtijeva); smještaj i transport doping kontrolora (i pratnje, ako to zahtijeva takmičenje), slanje uzoraka u laboratoriju, analizu poslanih uzoraka i ostale troškove Agencije, ako doping kontrole na tom takmičenju nisu planirane od strane Agencije.

Članak 28.

(Odlaganje doping kontrole izvan natjecanja)

- (1) Na doping kontroli izvan natjecanja, doping kontrolor može prema sopstvenoj procjeni odložiti, odnosno pomaknuti utvrđeni termin za davanje uzorka.
- (2) Doping kontrolor u slučaju iz stava (1) ovog člana pismeno dokumentire razloge za odlaganje uzimanja uzorka, u slučaju da bude potrebno naknadno ispitivanje od strane Agencije.

Članak 29.

(Odlaganje doping kontrole na natjecanju)

- (1) Na doping kontroli na natjecanju, doping kontrolor može na obrazloženi prijedlog (ZAHTJEV) športaša odložiti, odnosno pomaknuti termin za davanje uzorka. Prijedlog (ZAHTJEV) za odlaganje mora biti podniet u okviru roka od 60 minuta nakon obavještenja o doping kontroli, a najkasnije do isteka roka koji je odredio doping kontrolor za davanje uzorka.
- (2) Prijedlog za odlaganje se odobrava ukoliko je sigurno da će športaš sve vrijeme biti pod nadzorom i ako postoji neka od sljedećih aktivnosti: sudjelovanje u proglašenju pobjednika, ispunjavanje obaveza prema sponzorima, ispunjavanje obaveza prema medijima, sudjelovanje na sljedećem natjecanju, iscrpljenost /odmor, potrebno liječenje (medicinske mjere), pokušaj da se pronađe zakonski zastupnik i/ili prevodilac.
U pogledu drugih okolnosti slučaja, odlaganje davanja uzorka je stvar procjene doping kontrolora.
- (3) Doping kontrolor dokumentira razloge za odlaganje davanja uzorka za slučaj da se pokaže potreba da Agencija sprovede dalja ispitivanja.

Članak 30.

(Zakašnjenje športaša)

- (1) Na doping kontroli izvan natjecanja, ako obaviješteni športaš ne dođe u DCS, najkasnije 60 minuta nakon obavještenja ili u dogovoreno vrijeme, doping kontrola se obustavlja.

- (2) Ukoliko se športаш pojavi u DCS prije nego što je doping kontrolor napustio DCS, doping kontrolor odlučuje prema sopstvenoj procjeni da li će izvršiti uzimanje uzorka. Doping kontrolor je dužan da dokumentira sve pojedinosti zakašnjelog pojavljivanja športaša u DCS i razloge za svoju odluku.

Članak 31.

(Javljanje u doping stanicu)

- (1) Na doping kontroli na natjecanju, ako se obavješteni športаш ne javi u DCS u utvrđenom terminu, doping kontrolor odlučuje o tome da li treba poduzeti uspostavljanje ponovnog kontakta sa športашem.
- (2) Doping kontrolor treba da sačeka 30 minuta nakon isteka roka iz stava (1) ovog članka, prije nego što napusti DCS, odnosno prekine doping kontrolu .
- (3) Ukoliko se športаш pojavi u DCS prije nego što je doping kontrolor napustio DCS, doping kontrolor odlučuje prema sopstvenoj procjeni da li će izvršiti uzimanje uzorka. Doping kontrolor je dužan da dokumentira sve pojedinosti zakašnjelog pojavljivanja športaša u DCS i razloge za svoju odluku.

Članak 32.

(Vrijeme doping kontrole izvan natjecanja)

- (1) Doping kontrola izvan natjecanja se, po pravilu, sprovodi kao nenajavljena kontrola.
- (2) Doping kontrola izvan natjecanja može se na mjestima (za trening) sprovesti samo između 6 sati i (23) [24 sata, a u stanu športaša samo između 7 sati i 23 sata.]

DEVETI DIO - UZIMANJE UZORAKA ZA ANALIZU

Članak 33.

(Uzimanje uzoraka)

- (1) Doping kontrola se organizira i sprovodi tako da je isključena svaka mogućnost zamjene uzoraka ili manipulacije bilo kakve vrste.
- (2) Doping kontrola sprovodi se uzimanjem uzoraka urina ili krvi ili primjenom druge autorizirane tehnike za detektiranje zabranjenih supstanci i metoda.

Članak 34.

(Materijali za uzimanje uzoraka)

Pri uzimanju uzoraka doping kontrolor upotrebljava samo takve materijale i posude koji su odobreni od Agencije.

Članak 35.

(Davanje novog uzorka)

- (1) Doping kontrolor može zatražiti davanje novog uzorka i kada postoje konkretne okolnosti koje daju povoda za sumnju u regularnost davanja prvog uzorka.
- (2) Kad je drugi uzorak osiguran, svi uzorci se šalju u laboratoriju na analizu.
- (3) Laboratorija se obavještava (bez otkrivanja identiteta športaša) da su i prvi i drugi uzorak uzeti od istog športaša.
- (4) Ukoliko športаш odbije da se podvrgne davanju novog uzorka, doping kontrolor to upisuje u odgovarajući obrazac.

Članak 36.

(Uzimanje uzorka urina)

- (1) Športаш koji je određen za doping kontrolu mora da da uzorak od minimalno 90 ml urina, a ukoliko je u pitanju uzimanje uzorka za EPO analizu minimalno 100 ml.
- (2) Da bi športаш mogao da da potrebnu količinu urina, obezbijediće mu se mogućnost da konzumira odgovarajuću količinu tečnosti.

Članak 37.

(Odabir posuda)

- (1) Športаш koji je određen za doping kontrolu ima pravo da izabere posudu za davanje uzorka.
- (2) Ako športаш iz nekog razloga ne bude zadovoljan izabranom posudom, može odabrati drugu.
- (3) Ako športаш ne bude zadovoljan ni jednom ponuđenom posudom, nadležni doping kontrolor to unosi u obrazac.
- (4) Ako se kontrolor složi sa mišljenjem športашa da sve posude koje su na raspolaganju nisu odgovarajuće, prekinuće proceduru uzimanja uzorka i to unijeti u obrazac. Ako se kontrolor ne složi sa športашem, zatražiće od športашa da nastavi sa procedurom davanja uzorka.

Članak 38.

(Pratnja i uvid u uzimanje uzoraka)

- (1) Športаш daje uzorak u pratnji doping kontrolora ili pratioca istog pola u toaletu, koji je sastavni dio stanice za doping kontrolu.
- (2) Doping kontrolor mora imati mogućnost uvida u davanje uzorka. Najbolje je da postoji ogledalo u toaletu, tako da doping kontrolor bez problema bude siguran da je dati uzorak ispravan.
- (3) Kako bi se spriječile manipulacije, športаш mora da bude razgolićen u meri koja je potrebna da se potvrdi da je urin zaista njegov.

Članak 39.

(Odabir bočice)

- (1) Nakon što je dao uzorak, športаш bira jedan od kitova za doping kontrolu koji se sastoji od fabrički zapečaćene bočice A i bočice B.
- (2) Ukoliko športаш ima pratnju, preporučuje se da pratilac bude prisutan sve vrijeme davanja uzorka.

Članak 40.

(Sipanje uzoraka)

- (1) Urin se prvo sipa do minimalno potrebne količine u bočicu B, pa zatim se bočica A puni onoliko koliko je to moguće, a ako ostane još urina, dopunjava se bočica B, onoliko koliko je to moguće. Mali dio urina se ostavlja u posudi za davanje uzorka radi analize pH vrijednosti i specifične težine urina.
- (2) Minimalna količina urina u bočici A treba da bude 60 ml a u bočici B 30 ml.
- (3) Ukoliko se uzorak urina uzima za analizu za EPO, minimalna količina urina u bočici A treba da bude 70 ml, a u bočici B 30 ml.
- (4) Športаш može da zamoli doping kontrolora da mu pomogne u presipanju potrebne količine urina u bočicu A i bočicu B, ili da to uradi samostalno.

Članak 41.

(Provjera brojeva)

Nakon što čvrsto zatvori bočice i uvjeri se da ih je nemoguće otvoriti, potrebno je da športаш usporedi i provjeri brojeve na bočicama, sa onim na poklopcu i onim na kutiji. Ako je sve u redu, napunjene bočice se vraćaju u originalnu kutiju.

Članak 42.

(Provjera specifične težine)

- (1) Na uzorku preostalog urina, doping kontrolor će izmjeriti specifičnu težinu i pH vrijednost i dobijene vrijednosti upisati u obrazac za doping kontrolu.
- (2) Potrebno je da urin ima veću specifičnu težinu od 1,010 i manju pH vrednost od 7, odnosno pH vrijednost i specifičnu težinu koja se traži propisima akreditirane laboratorije u kojoj će se izvršiti analiza uzorka.
- (3) Ukoliko uzeti urin ne ispunjava uvjete iz prethodnog stava, postupak uzimanja urina se ponavlja.

Ukoliko laboratorija u koju je poslat uzorak urina na analizu odluči da poslani uzorak ne odgovara zahtjevima laboratorije u pogledu pH vrijednosti i specifične težine, i da to nije uvjetovano prirodnim okolnostima, Agencija će poduzeti što je prije moguće novu ciljanu doping kontrolu športaša.

Članak 43.

(Upisivanje lijekova,provjera specifične težine, ponavljanje uzorka)

- (1) Športaš treba da u obrazac za doping kontrolu upiše lijekove i suplemente koje je uzeo u poslednjih sedam dana.
- (2) Športaš ima pravo da upiše u obrazac bilo koje neregularnosti koje je uočio tokom doping kontrole.
- (3) Prigovori koji nisu upisani u obrazac ne uzimaju se u obzir u postupku utvrđivanja odgovornosti za povredu antidoping propisa.

Članak 44.

(Provjera brojeva na uzorcima i obrascu)

- (1) Prije potpisivanja obrazaca za doping kontrolu, športaš mora da provjeri da se broj sa kutije sa uzorcima poklapa sa onim upisanim na obrascu.
- (2) Pored športaša, obrazac potpisuje pratilac športaša, doping kontrolor, zakonski zastupnik maloljetnog športaša kada je prisutan i akreditirana osoba od strane organizatora natjecanja, odnosno nadležne športske asocijacije (ako je prisutna).

Članak 45.

(Dostava kopija obrasca)

Športaš dobija treću kopiju obrasca za doping kontrolu, a četvrta kopija se zajedno sa odgovarajućim kitom pakira za slanje u akreditiranu laboratoriju.

Članak 46.

(Parcijalno davanje urina)

Ukoliko športaš nije bio u stanju da da potrebnu količinu urina (90 ml, odnosno 100 ml), pribjegava se proceduri parcijalnog davanja urina, tako što se dobijeni urin sipa u bočicu A, zatim bočica vrati u kutiju i privremeno zapečati jednom od trakica namijenjenih za parcijalno uzorkovanje.

Članak 47.

(Upisivanje broja urina i trakice)

Količina parcijalno dobijenog urina i broj trakice se upisuje u obrazac za doping kontrolu .

Članak 48.

(Identifikacija kutija i presipanje urina)

Kada je športaš spreman da da preostalu količinu urina, identificira se kutija pomoću broja, otvara se, urin iz bočice A se sipa u posudu sa novim uzorkom urina da bi se promiješao i nakon toga se postupak nastavlja.

Članak 49.

(Uzimanje uzoraka krvi)

- (1) Uzimanje uzoraka krvi se vrši tako da su osigurani sljedeći principi: zaštita zdravlja i sigurnosti športaše i osoba koja sudjeluju u uzimanju uzorka; uzorak je kvalitete i kvantiteta koji omogućavaju relevantnu analizu; uzorak je jasno i pouzdano identificiran; uzorak je sigurno zapečaćen.
- (2) Uzimanje uzoraka krvi mora biti u suglasnosti sa relevantnim, međunarodno priznatim principima i standardima koji važe u oblasti zaštite zdravlja stanovništva.

Članak 50.

(Osoblje za uzimanje uzorka krvi)

Uzimanje uzorka krvi obavlja isključivo doping kontrolor sa odgovarajućom medicinskom kvalifikacijom, odnosno kvalificirano medicinsko osoblje koje odredi doping kontrolor .

Članak 51.

(Osiguranje uvjeta za uzimanje uzorka)

Doping kontrolor treba da osigura da športаш bude u komfornim uvjetima u posljednjih 10 minuta prije uzimanja uzorka, u relaksirajućem položaju.

Članak 52.

(Obavjest o proceduri uzimanja uzorka krvi)

Uzorak krvi se ne uzima sve dok športаш nije upoznat sa cjelokupnom procedurom uzimanja uzorka krvi (posebno se obavještava da pojedini lijekovi ako su uzimani mogu utjecati na tok uzimanja krvi, i o neuobičajenim krvarenjima koja utječu na vrijeme uzimanja krvi).

Članak 53.

(Vrijeme i sadržaj epruveta i procedure za uzimanje uzoraka)

- (1) Uzimanju uzorka krvi pristupa se, po pravilu, prije uzimanja uzorka urina.
- (2) Pribor za prikupljanje uzoraka krvi treba da sadrži epruvetu A i epruvetu B, ili samo epruvetu A ukoliko se prilikom doping kontrole ne uzima samo uzorak krvi.
- (3) Na početku procedure uzimanja uzorka krvi, športаш može da izabere kit (komplet, set) za uzimanje uzorka krvi, s tim da mu se ostavlja izbor između najmanje dva zapečaćena (propisno zatvorena), nekorištena kita.
- (4) Ako športаш iz nekog razloga ne bude zadovoljan izabranim kitom za uzimanje krvi, može odabrati drugi.
- (5) Ako športаш ne bude zadovoljan ni jednim ponuđenim kitom, nadležni doping kontrolor to unosi u obrazac.
- (6) Ako se kontrolor složi sa mišljenjem športашa da svi kitovi koji su na raspolaganju nisu odgovarajući, prekinuće proceduru uzimanja krvi i to unijeti u obrazac.
- (7) Ako se kontrolor ne složi sa športашem, pozvaće športашa da nastavi sa procedurom doping kontrole.

Članak 54.

(Provjera identifikacionih brojeva)

Kada je športаш izabrao kit (komplet, set) za uzimanje uzorka krvi, doping kontrolor i športаш provjeravaju da li su kodni brojevi podudarni, i da li je doping kontrolor korektno unio kodni broj u odgovarajući obrazac, i ukoliko utvrde da nisu, doping kontrolor poziva športашa da izabere drugi kit.

Članak 55.

(Postupanje kvalificiranog osoblja kod uzimanja uzoraka)

- (1) Doping kontrolor (osoba kvalificirana za uzimanje uzorka) čisti kožu sterilnom dezinficirajućom gazom na mjestu koje neće škoditi športašu u odnosu na njegove športske sposobnosti, i upotrebljava ako je potrebno povescu za kompresiju.
- (2) Uzimanje uzorka se vrši tako što doping kontrolor (osoba kvalificirana za uzimanje uzorka) uzima uzorak krvi iz površinske vene, što je moguće bezbolnije, i to u posudu koja je određena za slanje uzorka. Ako je upotrijebljena povescica za kompresiju, ona se odmah otpušta nakon uboda u venu.
- (3) Kontrolor mora za vrijeme uzimanja uzorka nositi sterilne rukavice.
- (4) Športaš za vrijeme uzimanja uzorka sjedi na stolici.

Članak 56.

(Potrebna količina, ponavljanje uzimanja uzorka)

- (1) Količina uzete krvi treba da odgovara potrebama odgovarajućih analiza.
- (2) Ukoliko je pri prvom pokušaju količina uzete krvi suviše mala, uzimanje uzorka krvi se ponavlja. Maksimalno su dopuštena tri pokušaja.
- (3) Ukoliko su svi pokušaji bili neuspješni, osoba ovlaštena za uzimanje uzorka krvi o tome obavještava doping kontrolora, a doping kontrolor donosi odluku o okončanju uzimanja uzorka krvi i prijavljuje razloge za prijevremeno okončanje uzimanja uzorka krvi.

Članak 57.

(Obavjest o korištenim lijekovima i suplementima)

Športaš treba da u obrazac za doping kontrolu upiše lijekove i suplemente koje je uzeo u poslednjih sedam dana i transfuzije krvi koje je primio u posljednjih šest mjeseci.

Članak 58.

(Zatvaranje i provjera kitova)

- (1) Športaš zatvara kit sa svojim uzorkom u skladu sa uputstvima dobijenim od doping kontrolora.
- (2) Doping kontrolor provjerava u prisustvu športaša da li je kit sa uzorkom ispravno zatvoren i da li su brojevi na kitu sa uzorcima identični sa brojevima unijetim u obrazac.
- (3) Zatvoreni kit sa uzorkom se do slanja u akreditiranu laboratoriju čuva na niskoj temperaturi, ali ne i na temperaturi ispod nule.

Članak 59.

(Doping kontrola športaše sa invaliditetom)

- (1) Športaš sa invaliditetom može biti podvrgnut doping kontroli.
- (2) Ukoliko je neophodno da se proces davanja urina modificira zbog specifičnosti invaliditeta, doping kontrolor ima obavezu da prilagodi proces uzimanja uzorka potrebama športaša sa invaliditetom.

Članak 60.

(Asistencija zastupnika i punomoćnika kod uzimanja uzoraka)

Kod športaše sa fizičkim ili senzornim invaliditetom, doping kontrolor može da dozvoli zastupniku, odnosno pratiocu športaša ili pomoćnom osoblju koje sudjeluje u uzimanju uzorka da asistiraju u davanju uzorka, ukoliko je športaš sa time saglasan.

Članak 61.

(Odlučivanje o asistenciji zastupnika i punomoćnika)

- (1) Kod športša sa intelektualnim nedostatkom, Agencija ili ovlašteni doping kontrolor odlučuje o tome da li športša mora imati pomoć od strane zastupnika, odnosno pratioca.
- (2) Doping kontrolor može dozvoliti zastupniku, odnosno pratiocu športša iz stava (1) ovog članka ili pomoćnom osoblju koje sudjeluje u uzimanju uzorka da asistiraju u davanju uzorka, ukoliko je športša sa time saglasan.

Članak 62.

(Odstranjivanje urina)

Od športša koji koristi sistem za skupljanje urina ili drenažni sistem, doping kontrolor će zatražiti da prije davanja uzorka urina odstrani urin iz tog sistema.

Članak 63.

(Dokumentiranje od odstupanja od standardnog postupka)

Doping kontrolor je obavezan da dokumentira sva odstupanja od standardnog postupka uzimanja uzorka.

DESETI DIO - ISPITIVANJE MOGUĆEG NEDOPUŠTENOG UTICANJA NA DOPING KONTROLU

Članak 64.

(Nedopušteno potupanje)

Ispitivanje mogućeg nedopuštenog (pogrešnog) postupanja počinje čim Agencija ili ovlašteni doping kontrolor dobiju saznanja o potencijalnom nedopuštenom uticaju na doping kontrolu određenog športša i okončava se kada

Agencija, na temelju rezultata sprovedenog ispitivanja, poduzme odgovarajuće mjere.

Članak 65.

(Postupanje ravnatelja i predsjednika odbora)

Ravnatelj Agencije, u suradnji sa predsjednikom Odbora za doping kontrolu, poduzima mjere:

- a) da se ispita svako potencijalno nedopušteno utjecanje na doping kontrolu određenog športša;
- b) da se prikupe sve značajne informacije i obezbijede svi potrebni dokazi u vezi nedopuštenog utjecanja na doping kontrolu;
- c) da se obezbijedi odgovarajuća dokumentacija (obrazaci) za prijavu mogućeg nedopuštenog utjecanja na doping kontrolu.

Članak 66.

(Prijava o nedopuštenom postupanju)

- (1) Sve osobe koje sudjeluju u doping kontroli i davanju uzoraka obavezne su da prijave doping kontroloru svako potencijalno nedopušteno utjecanje na doping kontrolu određenog športša.
- (2) Doping kontrolor je obavezan da prijavu iz stava (1) ovog člana bez odlaganja dostavi ravnatelju Agencije.
- (3) Ukoliko je moguće, termin za uzimanje uzorka od određenog športša se u potpunosti otkazuje.

Članak 67.
(Davanje informacija)

Agencija informiraju športaša o:

- a) mogućim poslasticama nedopuštenog utjecanja na doping kontrolu;
- b) da će Agencija ispitati moguće nedopušteno utjecanje na doping kontrolu i poduzeti odgovarajuće mjere.

JEDANAESTI DIO - ČUVANJE I TRANSPORT UZORAKA U AKREDITOVANU LABORATORIJU I ANALIZA UZETIH UZORAKA

Članak 68.

Uzorci se moraju analizirati u skladu sa sljedećim načelima:

68.1. Korištenje odobrenih laboratorija

Za potrebe člana 2.1 Kodeksa (Prisutnost zabranjenih tvari ili njenih metabolita ili markera), uzorci se moraju analizirati samo u laboratorijima koje je opunomoćila WADA ili na neki drugi način koji odobri WADA. O izboru Laboratorija za analizu uzoraka koji je opunomoćila WADA (ili drugog laboratorija ili metode koju je odobrila WADA), mora odlučivati samo i jedino Agencija za antidoping kontrolu.

[Komentar člana 68.1.: Kršenje člana 2.1 Kodeksa (Prisutnost zabranjene tvari ili njenih metabolita ili markera) može biti ustanovljeno samo analizom uzorka od strane Laboratorija koje je opunomoćila WADA ili drugog laboratorija posebno ovlaštenog od WADA-e. Kršenje drugih odredaba može se utvrditi korištenjem analitičkih rezultata drugih laboratorija dok god su ti rezultati pouzdani.]

68.2. Svrha prikupljanja i analize uzoraka

Uzorci se moraju analizirati zato da se otkriju zabranjene tvari i/ili zabranjene metode koje određuje Lista zabranjenih sredstava, kao i druge tvari prema mogućim uputama WADA-e, a u skladu sa članom 4.5. Kodeksa (Program nadziranja) ili da bi se pomoglo Agenciji za antidoping kontrolu u profiliranju odgovarajućih parametara u sportistinom urinu, krvi ili drugoj matrici uključujući DNA ili genomsko profiliranje za svrhe antidopinga.

[Komentar člana 68.2.: Npr., relevantni lični podaci mogu se koristiti za određivanje ciljanog testiranja ili kao potvrda kršenja antidoping pravila u postupku uređenom članom 2.2. Kodeksa (Korištenje ili pokušaj korištenja zabranjene tvari) ili za oboje.]

68.3. Istraživanje na uzorcima

Nijedan uzorak ne može se koristiti ni u jednu drugu svrhu osim kao što je opisano u članu 68.2 ovih pravila bez sportistinog pismenog pristanka. Uzorci koji se koriste u svrhu različitu od one propisane u članu 68.2 ovih pravila neće na sebi imati nikakve identifikacijske oznake kako se ne bi znalo o kojem je sportisti riječ.

68.4. Standardi analize uzoraka i izvještaja

Laboratoriji moraju analizirati uzorke za doping kontrolu i dostavljati odnosne rezultate u skladu s Međunarodnim standardom za laboratorije.

68.5. Ponovno testiranje uzoraka

Uzorak može biti ponovo analiziran za svrhe člana 68.2 ovih pravila bilo kada isključivo po uputstvu organizacije za borbu protiv dopinga koja je prikupila uzorak ili WADA-e. Okolnosti i uslovi za ponovno testiranje uzorka moraju biti u skladu sa zahtjevima Međunarodnog standarda za laboratorije.

[Komentar člana 68.5.: Iako je ovo nova odredba, organizacije za borbu protiv dopinga su uvijek imale ovlaštenje ponovno testirati uzorke. Međunarodni standard za Laboratorije ili novi tehnički dokument koji će biti dio Međunarodnih standarda uskladit će protokol za ponovno testiranje.]

Članak 69.
(Slanje uzoraka)

- (1) Svi uzeti uzorci i dokumentacija se čuvaju na način koji osigurava njihov integritet, identitet i sigurnost.
- (2) Uzorci se šalju u akreditiranu laboratoriju što je, prema okolnostima slučaja, brže moguće.
- (3) Svi prikupljeni uzorci se transportiraju u akreditiranu laboratoriju na analizu na način koji garantira njihov integritet, identitet i sigurnost.
- (4) Sektor za doping kontrolu i izuzeća je odgovoran za pakiranje, isporuku i popunjavanje obrazaca za lanac transporta.

Članak 70.
(Ovlaštenje za provedbu doping kontrole)

- (1) Laboratorija u kojoj se sprovodi doping analiza mora posjedovati važeću akreditaciju izdatu od strane Svjetske antidoping agencije.
- (2) Ravnatelj Agencije određuje laboratoriju u kojoj će se obaviti analiza uzeti doping uzoraka športaša.

Članak 71.
(Izveštavanje o rezultatima doping kontrole)

Laboratorije analiziraju uzorke doping kontrole i izvještavaju o rezultatu u skladu sa Međunarodnim standardima za laboratorijske analize, odobrenim od strane Svjetske antidoping agencije.

DVANAESTI DIO - UPRAVLJANJE REZULTATIMA (MENADŽMENT REZULTATA)

Član 72.
(Vođenje rezultata za testove koje je inicirala Agencija za Antidoping kontrolu)

Vođenje rezultata za testove koje je inicirala Agencija (uključujući testove koje je izvela WADA na osnovu sporazuma sa Agencijom) mora se izvesti kako je to predviđeno u daljem tekstu:

- 72.1 Rezultati svih analiza moraju biti poslani u Agenciju za antidoping kontrolu u kodiranoj formi, u izvještaju potpisanom od strane ovlaštenog predstavnika laboratorije. Sva komunikacija mora proći u povjerljivosti i usklađenosti sa ADAMS-om, alatom za upravljanje podacima razvijenim od strane WADA-e. ADAMS je konzistentan sa statutima o privatnosti podataka i normama primjenjivim na WADA-u i drugim organizacijama koje ga koriste.
- 72.2 Nakon prijema nepovoljnog laboratorijskog nalaza iz A uzorka, organizacija za borbu protiv dopinga, koja je odgovorna za upravljanje rezultatima, mora provesti reviziju da utvrdi:
 - (a) je li bilo odobreno primjenjivo terapijsko izuzeće, ili će biti odobreno u skladu s Međunarodnim standardom za terapijska izuzeća ili [b] postoji li ikakvo očito odstupanje od Međunarodnog standarda za testiranje ili Međunarodnog standarda za Laboratorije koji su prouzrokovali nepovoljan Laboratorijski nalaz.
- 72.3 Ako početna revizija nepovoljnog laboratorijskog nalaza u smislu stava 7.1.2 Kodeksa ne otkrije postojanje primjenjivog terapijskog izuzeća ili ovlaštenje na terapijsko izuzeće kako je

dopušteno Međunarodnim standardom za terapijska izuzeća, niti odstupanje koje je izazvalo nepovoljan analitički nalaz, Agencija za antidoping kontrolu odmah obavještava sportistu na način propisan u 14.1.1 Kodeksa: (a) o nepovoljnom Laboratorijskom nalazu; (b) o prekršenom antidoping pravilu; (c) o sportistinom pravu da odmah zahtijeva analizu uzorka B ili da će se, izostane li takav zahtjev, smatrati kako se odrekao analize uzorka B; (d) o datumu, mjestu i vremenu određenom za analizu B uzorka ukoliko sportista ili Agencija za antidoping kontrolu odluči zatražiti analizu B uzorka; [e] o mogućnosti sportiste i/ili sportistina predstavnika da prisustvuje otvaranju i analizi B uzorka u vremenskom roku određenom Međunarodnim standardom za laboratorije ako se postavi zahtjev za takvom analizom i (f) o sportistinom pravu da zahtijeva kopije laboratorijske dokumentacije za A i B uzorak koja uključuje podatke u smislu zahtjeva Međunarodnog standarda za laboratorije. Agencija za antidoping kontrolu će obavijestiti Međunarodnu federaciju sportiste i WADA-u. Ako Agencija za antidoping kontrolu odluči ne navesti nepovoljan laboratorijski nalaz kao kršenje antidoping pravila o tome će obavijestiti sportistu, Međunarodnu federaciju sportiste i WADA-u.

- 72.4 Kada sportista ili Agencija za antidoping kontrolu zahtijeva testiranje B uzorka, moraju se stvoriti prethodni uslovi za testiranje B uzorka unutar vremenskog perioda koji je preciziran u Međunarodnom standardu za laboratorije. Sportista može prihvatiti rezultate A uzorka odustajući od zahtjeva za analizu B uzorka. Bez obzira na to, Agencija za antidoping kontrolu može izabrati da nastavi sa analizom B uzorka.
- 72.5 Sportisti i njegovim predstavnicima mora biti dozvoljeno da prisustvuje analizi B uzorka u vremenskom periodu preciziranom u Međunarodnom standardu za laboratorije. Takođe se mora dozvoliti prisustvo predstavniku nacionalne federacije sportiste i Agencije za antidoping kontrolu.
- 72.6 Ako se pokaže da je uzorak B negativan, onda (osim ako Agencija za antidoping kontrolu ne uputi slučaj dalje kao kršenje antidoping pravila prema članu 2.2 Kodeksa) cijeli test se mora smatrati negativnim i sportista, njegova nacionalna federacija, Agencija za antidoping kontrolu i WADA se moraju informisati.
- 72.7 Ako se identificira zabranjena tvar ili korištenje zabranjene metode, sportista, njegova nacionalna federacija, Agencija za antidoping kontrolu i WADA se moraju obavijestiti o nalazima.
- 72.8 Agencija za antidoping kontrolu će sprovesti bilo koju prateću istragu o mogućem kršenju antidoping pravila koji nisu pokriveni Članovima od 72.1 do 72.8 ovih Pravila onda kad Agencija za antidoping kontrolu je suglasna da je došlo do kršenja antidoping pravila, odmah će dati sportisti ili drugoj osobi koja podliježe sankcijama o kršenju antidoping pravila i osnovi prekršaja. Agencija za antidoping kontrolu će takođe obavijestiti međunarodnu federaciju sportiste i WADA-u.

72.2 Ponovno razmatranje atipičnih nalaza

- 72.2.1 Kao što je u Međunarodnim standardima naznačeno, u nekim slučajevima, laboratorijima je naloženo da izvijeste o prisutnosti zabranjenih tvari koje se mogu proizvoditi i endogeno kao atipičan nalaz koji se treba dalje istražiti.
- 72.2.2 Nakon prijema atipičnog uzorka A, Agencija za antidoping kontrolu će sprovesti reviziju da odluči da li: a] je odobreno primjenjivo terapijsko izuzeće ili b] postoji bilo kakvo odstupanje od Međunarodnog standarda za testiranje ili Međunarodnog standarda za laboratorije koje je prouzrokovalo atipičan nalaz.

- 72.2.3** Ukoliko početna revizija atipičnog nalaza na osnovu člana 72.2.2 otkrije primjenjiv TUE ili odstupanje od Međunarodnog standarda za testiranje ili Međunarodnog standarda za laboratorije koje je izazvalo atipičan nalaz, cijeli test će se smatrati negativnim i o tome se mora obavijestiti sportista, međunarodna federacija sportiste i WADA.
- 72.2.4** Ukoliko početna revizija atipičnog nalaza na osnovu člana 72.2.2 ne otkrije primjenjiv TUE ili odstupanje koje je prouzrokovalo atipičan nalaz, Agencija za antidoping kontrolu provest će odgovarajuću istragu. Nakon što je istraga provedena, sportista, WADA i međunarodna federacija sportiste bit će obaviješteni o tome da li će se atipičan nalaz tretirati kao nepovoljan laboratorijski nalaz u skladu sa 72.4.
- 72.2.5** Agencija za antidoping kontrolu neće izdati obavještenje o atipičnom nalazu dok nije provela svoju istragu i odlučila da li će atipičan nalaz proglasiti nepovoljnim laboratorijskim nalazom osim ako postoji i jedna od sljedećih okolnosti:
- ako Agencija za antidoping kontrolu utvrdi da treba analizirati B uzorak prije zaključenja istrage, Agencija za antidoping kontrolu može tražiti analizu B uzorka nakon što je o tome obavijestila sportistu , a takva obavijest treba sadržavati opis atipičnog nalaza i podatke opisane u članu 72.3. od (b) do (f).
 - ukoliko Agencija za antidoping kontrolu primi zahtjev, bilo od organizatora velikog takmičenja neposredno prije jednog od međunarodnih događaja ili zahtjev od sportske organizacije odgovorne za djelovanje u skladu s rokovima za određivanje članova timova za međunarodni sportski događaj da utvrdi da li za sportiste koji se nalaze na listi organizatora velikog događaja ili sportskog tijela postoji atipičan nalaz u razmatranju. Agencija za antidoping kontrolu će izdvojiti te sportiste , ali će prije toga o atipičnom nalazu obavijestiti sportistu.

72.3 Sadržaj obavještenja međunarodnoj federaciji sportiste i WADA-i

Obavještenje međunarodnoj federaciji sportiste i WADA-i, na osnovu ovog Člana 72 mora uključivati: ime sportiste , državu, sport i disciplinu unutar sporta, sportistin nivo takmičenja, da je li testiranje obavljeno na takmičenju ili izvan takmičenja, datum uzimanja uzorka i rezultat analize o kojem izvještava laboratorij.

72.4 Vođenje rezultata za kršenje antidoping pravila koje uključuje sportistu koji nije pod nadležnošću Agencije za antidoping kontrolu.

Vođenje rezultata i provođenje saslušanja za kršenje antidoping pravila koje su nastale testom od strane, ili su otkrivene od strane Agencije za antidoping kontrolu koji uključuju sportistu koji nije državljanin, nema mjesto boravka, licencu ili nije član sportskih udruženja u Bosni i Hercegovini će biti provedeno kako je to propisano pravilima odgovarajuće međunarodne federacije.

[Komentar člana 72.4: U nekim slučajevima, u proceduralnim pravilima Agencije za antidoping kontrolu može se i precizirati da upravljanjem rezultatima rukovodi druga organizacija (npr.nacionalna federacija sportiste). U tom slučaju, Agencija za antidoping kontrolu dužna je odgovorno potvrditi da su pravila te druge organizacije u skladu s Kodeksom.]

72.5 Vođenje rezultata za kršenje pravila o mjestu boravka

72.5.1 Vođenje rezultata o navodnom nepridržavanju uslova o popunjavanju formulara od strane sportiste koji je u Registriranoj test grupi Agencije za antidoping kontrolu će biti provedeno od strane Agencije za antidoping kontrolu u skladu sa članom 11.6.2 Međunarodnog standarda za testiranje (osim ako nije dogovoreno da će međunarodna federacija preuzeti tu odgovornost).

72.5.2 Vođenje rezultata o navodnom propuštenom testu od strane sportiste iz Registrirane test grupe Agencije za antidoping kontrolu će provesti Agencija za antidoping kontrolu u skladu sa članom 11.6.3 međunarodnog standarda za testiranje. Vođenje rezultata u smislu navodnog propuštenog testa od tog sportiste kao rezultat pokušaja da se testira sportista od strane ili u ime druge antidoping organizacije će biti provedeno od strane te druge antidoping organizacije u skladu sa članom 11.7.6 (c) Međunarodnog standarda za testiranje.

72.5.3 Kada sportista iz Registrirane test grupe Agencije za antidoping kontrolu ima u periodu od osamnaest mjeseci ima tri nepridržavanja uslova o popunjavanju formulara ili tri propuštena testa, ili bilo koje kombinacije ovih prekršaja čineći ukupno tri prekršaja, bilo po ovim antidoping pravilima ili po pravilima bilo koje druge antidoping organizacije, Agencija za antidoping kontrolu će ih podnijeti kao navodno kršenje antidoping pravila.

72.6 Privremene suspenzije

72.6.1 Ako je analiza A uzorka rezultirala Nepovoljnim analitičkim nalazom za zabranjenu tvar koja nije precizirana tvar, a revizija u skladu sa članom 72.2 ne otkriva primjenjiv TUE ili odstupanje od međunarodnog standarda za testiranje ili Međunarodnog standarda za laboratorije koje je izazvalo nepovoljan analitički nalaz, privremena suspenzija će biti određena odmah nakon revizije i obavještanja opisanog u članu 72.1.

72.6.2 U svakom slučaju koji nije pokriven članom 7.6.1 kada Agencija za antidoping kontrolu odluči da iznese slučaj kao navodno kršenje antidoping pravila u skladu sa prethodnim odredbama ovog člana 72, a privremena suspenzija može biti nametnuta nakon revizije i obavještanja opisanog u članu 72.1, ali prije analize B uzorka ili konačnog saslušanja kako je to opisano u članu (Disciplinski postupak).

72.6.3 Međutim, privremena suspenzija ne mora biti nametnuta, bilo na osnovu Člana 72.6.1 ili člana 72.6.2, osim ako je sportisti ili drugoj osobi data ili (a) mogućnost za privremeno saslušanje prije nametanja privremene suspenzije ili na vremenskoj osnovi nakon privremene suspenzije; ili (b) mogućnost ubrzanog saslušanja u skladu sa Članom 8 (Disciplinski postupak) na vremenskoj osnovi nakon nametanja privremene suspenzije.

72.6.4 Ako je privremena suspenzija određena na temelju nepovoljnog laboratorijskog nalaza iz uzorka A, a naredna analiza uzorka B [ako je zatraženo od sportiste ili organizacije za borbu protiv dopinga] ne potvrdi analizu uzorka A, sportista neće biti podvrgnut nikakvim daljnjim privremenim suspenzijama radi kršenja člana 2.1. Kodeksa (Prisutnost zabranjene tvari ili njenih metabolita ili markera). U okolnostima u kojima su sportista (ili sportistin tim, kao što može biti navedeno u pravilima odgovarajućeg međunarodnog saveza] uklonjeni iz takmičenja na temelju kršenja člana 2.1. Kodeksa a naknadna analiza uzorka B ne potvrdi nalaz analize uzorka A, tada - ako je još moguće ponovno uključiti sportistu ili tim bez novoga narušavanja takmičenja – sportista ili tim mogu nastaviti sudjelovati na takmičenju.

[Komentar člana 72.6: Prije nego što organizacija za borbu protiv dopinga može jednostrano odrediti privremenu suspenziju, prvo mora biti završena interna revizija koju Kodeks tačno određuje. Osim toga, od potpisnika koji određuje privremenu suspenziju traži se da sportisti da priliku za privremeno saslušanje ili prije ili odmah poslije određivanja privremene suspenzije, ili pak ubrzano završno saslušanje temeljem poglavlja 8. Kodeksa odmah poslije određivanja privremene suspenzije. Sportista ima pravo na žalbu u skladu sa članom 13.2 Kodeksa

U rijetkim prilikama kada analiza uzorka B ne potvrđuje nalaz iz uzorka A, sportisti koji je bio privremeno suspendiran odobrava se, kada to okolnosti dopuštaju, da učestvuje u preostalim takmičenjima tokom događaja. Jednako tako, a ovisno o odnosnim pravilima međunarodnog saveza s obzirom na timski sport, ako mu se tim još nalazi na takmičenju, sportista može sudjelovati u narednim takmičenjima. Sportisti će se uračunati privremena suspenzija u svaki period nepodobnosti koji mu na kraju bude određen prema stavu 10.9.3 Kodeksa]

72.7 Povlačenje iz sporta

Ukoliko se sportista ili druga osoba povuče iz sporta za vrijeme trajanja postupka obrade rezultata, organizacija za borbu protiv dopinga koja obrađuje rezultate zadržava pravo da završi postupak obrade rezultata. Ukoliko sesportista ili druga osoba povuče prije nego što je postupak obrade rezultata započeo, organizacija za borbu protiv dopinga koja bi imala nadležnost nad obradom rezultata određenog sportiste ili druge osobe u vrijeme kada je sportista ili druga osoba počinio kršenje antidoping pravila, zadržava pravo da obradi rezultate.

[Komentar člana 72.7: Ponašanje sportiste ili druge osobe prije nego su sportista ili druga osoba došli pod nadležnost određene organizacije za borbu protiv dopinga neće predstavljati kršenje antidoping pravila, ali može biti podloga za uskraćivanje sportisti ili drugoj osobi članstva u sportskom udruženju.]

Članak 73.

(Automatska diskvalifikacija individualnih rezultata)

Kršenje antidoping pravila u pojedinačnim sportovima do kojih dođe pri testiranju na takmičenju automatski vodi ka diskvalifikaciji rezultata postignutog na tom takmičenju, sa svim pratećim posljedicama, uključujući gubitak prava na sve medalje, bodove i nagrade.

[Komentar Člana 73: Kada sportista osvoji zlatnu medalju sa zabranjenom tvari u njegovom ili njezinom tjelesnom sistemu, to je nepošteno prema drugim sportistima na tom takmičenju bez obzira na to da li je osvajač zlatne medalje bio u zabludi na bilo koji način. Samo "čistom" sportisti treba dati pravo na povlastice koje proizlaze iz njegovih ili njezinih takmičarskih rezultata.

Što se tiče timskih sportova, pogledati poglavlje 11 Kodeksa (Posljedice za timove).

U sportovima koji nisu timski, nego se nagrade daju timovima, diskvalifikacija ili druga disciplinska mjera u slučajevima kada je jedan ili više članova tima prekršio antidoping pravilo provodit će se u skladu s odgovarajućim pravilima međunarodnog saveza.]

Članak 74.

(Sankcije za pojedince)

74.1 Diskvalifikacija rezultata na pojedinačnom takmičenju tokom kojeg dolazi do kršenja antidoping pravila

Kršenje antidoping pravila do kojeg je došlo tokom ili u vezi s takmičenjem može na temelju odluke upravnog tijela tog takmičenja dovesti do diskvalifikacije svih sportistinih pojedinačnih rezultata koje je postigao na tom takmičenju, sa svim pratećim posljedicama, uključujući gubitak prava na sve medalje, bodove i nagrade, osim u slučajevima koje propisuje stav 74.1.1.

[Komentar člana 74.1: Dok Poglavlje 9 Modela pravila (Automatska diskvalifikacija pojedinačnih rezultata) diskvalificira rezultat na jednom takmičenju, u kojemu je sportista bio pozitivan (npr. utrka 100m leđno), ovaj može voditi do diskvalifikacije svih rezultata u svim utrkama tokom takmičenja na sportskom događaju/manifestaciji. Faktori koje treba uključiti u razmatranje diskvalifikacije svih drugih rezultata na sportskom događaju/manifestaciji mogu uključivati npr. ozbiljnost sportistinog kršenja antidoping pravila, kao i pitanje je li sportistin test bio negativan u drugim takmičarskim disciplinama.]

74.1.1 Ako sportista dokaže da ne snosi ni krivicu ni nemar za prekršaj, sportistini pojedinačni rezultati u drugim takmičenjima (disciplinama) ne smiju biti diskvalifikovani osim ako se ne pokaže da je na sportistine rezultate u rečenim takmičenjima pored onog takmičenja u kojem je došlo do kršenja antidoping pravila vjerovatno djelovalo sportistino kršenje antidoping pravila.

74.2 Određivanje statusa nepodobnosti zbog korištenja ili pokušaja korištenja ili posjedovanja zabranjenih tvari i zabranjenih metoda

Razdoblje statusa nepodobnosti za nastupanje na takmičenjima zbog kršenja člana 2.1. Kodeksa (Prisutnost zabranjene tvari ili njezinih metabolita ili markera), člana 2.2. Kodeksa (Korištenje ili pokušaj korištenja zabranjene tvari ili zabranjene metode) i člana 2.6. Kodeksa (Posjedovanje zabranjenih tvari i metoda), bit će kako slijedi, osim ako su ispunjeni uslovi za ukidanje ili smanjenje perioda nepodobnosti na način određen u članovima 74.4 i 74.5 ili uslovi za produženje perioda nepodobnosti kao stoje navedeno u članu 74.6:

[Komentar člana 74.2.: Usklađivanje sankcija bilo je jedno od pitanja koje je izazvalo najviše rasprava i debata na području borbe protiv dopinga. Usklađivanje znači da se ista pravila i isti kriteriji primjenjuju da bi se utvrdile činjenice u svakom pojedinačnom slučaju. Argumenti koji idu protiv usklađivanja sankcija temelje se na razlikama između sportova obuhvaćajući i sljedeće primjere: u nekim sportovima sportisti su profesionalci koji zarađuju od sporta, a u drugima sportisti su istinski amateri; u onim sportovima u kojima je sportistina karijera vrlo kratka (npr. umjetnička gimnastika) dvogodišnja diskvalifikacija ima mnogo značajniji učinak na sportistu nego u sportovima u kojima su karijere tradicionalno mnogo duže (npr. jahanje i streljaštvo); u pojedinačnim sportovima, sportista je mnogo sposobniji održavati kondiciju kroz samostalno treniranje tokom diskvalifikacije nego je to slučaj u drugim sportovima u kojima je treniranje u sklopu tima mnogo važnije. Glavni argument u korist usklađivanja sankcija jest taj da jednostavno nije u redu da dvojica sportista iz iste zemlje, koja su pozitivna na test zbog iste zabranjene tvari u sličnim okolnostima, dobiju različite sankcije zato što učestvuju u različitim sportovima. Osim toga, oduvijek se smatralo da fleksibilnost u određivanju sankcija pruža neprihvatljive mogućnosti nekim sportskim tijelima da budu blaža prema korisnicima dopinga. Nepostojanje usklađivanja sankcija često je bilo izvorom jurisdikcijskih sukoba između međunarodnih saveza i nacionalnih antidoping organizacija.]

74.3 Nepodobnost zbog drugih kršenja antidoping pravila

Razdoblje nepodobnosti za kršenja antidoping pravila koja nisu navedena u članu **10.2 Kodeksa** će iznositi:

74.3.1. Za kršenja člana 2.3 Kodeks (Odbijanje ili propuštanje pristupanja postupku za prikupljanje uzoraka), ili člana 2.5 Kodeks (Mijenjanje rezultata doping kontrole) razdoblje nepodobnosti će trajati dvije godine osim ako se ne ispune uslovi iz člana **10.5 Kodeksa** ili iz člana **10.6 Kodeksa**

74.3.2. Za kršenja člana 2.7 Kodeksa (Nedopušteno trgovanje ili pokušaj nedopuštenog trgovanja) ili člana 2.8 Kodeksa (Davanje ili pokušaj davanja zabranjene tvari ili zabranjene metode), mora se odrediti razdoblje nepodobnosti koje iznosi od najmanje četiri (4) godine do doživotne nepodobnosti, osim ako su ispunjeni uslovi iz člana 74.5. Kršenje antidoping pravila koje uključuje maloljetnu osobu mora se smatrati osobito teškim prekršajem i, ako ga počini sportistino pomoćno osoblje, mora za razliku od posebno navedenih tvari o kojima govori stav **4.2.2 Kodeksa** rezultirati doživotnom nepodobnošću za pomoćno sportistino osoblje. Osim toga, o značajnim kršenjima tih odredaba, koje ujedno predstavlja i kršenje drugih zakona i pravila izvan svijeta sporta, obavijestit će se nadležna upravna, stručna ili pravosudna tijela.

[Komentar stava 74.3.2.: Svi oni koji su uključeni u dopingovanje sportiste ili prikrivaju doping, trebali bi podlijegati sankcijama koje su oštrije od sankcija sportisti čiji je test na doping pozitivan. Budući da su organi sportskih udruženja općenito ograničeni na nepodobnost zbog gubljenja kredibiliteta, članstva i drugih sportskih povlastica, prijavljivanje pomoćnog sportistinog osoblja nadležnim tijelima važan je korak u odvratanju od dopinga.]

74.3.3. Za kršenje člana 2.4 Kodeksa (Nedostavljanje podataka o lokaciji i/ili izbjegavanje testiranja), razdoblje nepodobnosti iznositi će najmanje jednu (1) godinu, a najviše dvije (2) godine ovisno o stepenu krivnje sportiste

[Komentar stava 74.3.3.: Sankcija prema stavu 74.3.3. bit će 2 [dvije] godine ukoliko se sva tri neprijavljena boravišta ili izbjegnuta testiranja ne mogu opravdati. Ukoliko to nije slučaj, sankcije će se procijeniti u rasponu od dvije do jedne godine na temelju okolnosti slučaja.]

74.4 Ukidanje ili smanjenje razdoblja nepodobnosti za specifične tvari u specifičnim okolnostima

Kada sportista ili druga osoba mogu objasniti kako je specifična tvar došla u njihovo tijelo ili u njen/njegov posjed i kada mogu objasniti da ta specifična tvar nije bila namijenjena poboljšanju sportskih

rezultata ili prikrivanju korištenja tvari koje pojačavaju izvedbu, razdoblje nepodobnosti iz člana 10.2 Kodeksa bit će zamijenjeno sljedećim:

Prvi prekršaj: Najmanje opomena bez razdoblja nepodobnosti, a najviše dvije (2) godine nepodobnosti. Da bi se opravdalo bilo kakvo ukidanje ili smanjenje, sportista ili druga osoba moraju podnijeti dokaz uz svoju riječ koji na zadovoljavajući način tijelu koje provodi saslušanje potvrđuju odsutnost namjere za poboljšanje sportskih rezultata ili prikrivanje korištenja tvari koje poboljšavaju sportske rezultate. Stupanj krivnje sportiste ili druge osobe bit će kriterij koji će se uzeti u obzir prilikom bilo kakvog smanjenja razdoblja nepodobnosti.

[Komentar člana 74.4.: Specifične tvari nisu nužno manje ozbiljni agensi koji služe za dopingovanje nego druge zabranjene tvari (npr. stimulans koji je naveden kao specifična tvar može biti vrlo učinkovit za sportistu tokom takmičenja); iz tog razloga, sportista koji ne udovolji kriterijima u ovom članu dobio bi dvogodišnje razdoblje nepodobnosti, a možda i četverogodišnje razdoblje nepodobnosti prema članu 74.6.

Ipak postoji veća mogućnost da za specifične, za razliku od drugih zabranjenih tvari, postoji vjerodostojno objašnjenje koje ne uključuje doping.

Ovaj član se primjenjuje samo u onim slučajevima kad je tijelo koje provodi saslušanje dobilo zadovoljavajući odgovor o objektivnim okolnostima slučaja u smislu da sportista prilikom posjedovanja ili uzimanja zabranjene tvari nije imao namjeru poboljšati svoje sportske rezultate. Primjer tipa objektivnih okolnosti koje u kombinaciji mogu zadovoljiti tijelo koje saslušava da nije bilo namjere za poboljšanje izvedbe uključuju: činjenicu da narav tvari ili vrijeme njezina uzimanja ne bi bile korisne sportisti; sportistino neprikriveno uzimanje ili otkrivanje uzimanja iste tvari; i istovremena medicinska dokumentacija kojom se potvrđuje da je određena tvar propisana zbog uzroka nevezanih uz sport.

Uzevši općenito, što je veća potencijalna mogućnost poboljšanih rezultata, teži je teret na sportisti da dokaže nepostojanje namjere za poboljšanje sportskih rezultata.

Sportista mora tijelu za saslušanje dokazati nepostojanje namjere za poboljšanje sportske izvedbe, dok je za utvrđivanje kako je specifična tvar ušla u tijelo dovoljno dokazati vjerovatnost.

Pri utvrđivanju stepena krivnje sportiste ili druge osobe okolnosti koje se uzimaju u obzir moraju biti specifične i relevantne za objašnjenje odstupanja sportiste ili druge osobe od očekivanog standarda ponašanja. Dakle, npr., činjenica da će sportista izgubiti mogućnost da zaradi veliki iznos novca tokom razdoblja nepodobnosti ili činjenica da sportista ima samo kratko vrijeme u svojoj karijeri ili sportski kalendar neće biti relevantni faktori koji će se razmatrati u skraćivanju razdoblja nepodobnosti u smislu ovog člana. Očekuje se da će razdoblje nepodobnosti biti potpuno ukinuto samo u vanrednim slučajevima.]

74.5 Ukidanje ili smanjenje razdoblja nepodobnosti na temelju vanrednih okolnosti

74.5.1. Bez krivnje ili nesavjesno ponašanje

Ako sportista dokaže u pojedinačnom slučaju da nije ni kriv ni nesavjestan, tada se inače primjenjivo razdoblje nepodobnosti mora ukinuti. Kada se zabranjena tvar ili njezini metaboliti ili markeri otkriju u sportistinom uzorku u smislu kršenja člana 2.1. Kodeksa (Prisutnost zabranjene tvari), sportista također mora dokazati kako je zabranjena tvar dospjela u njegov organizam želi li da se ukine razdoblje nepodobnosti. Ako se primjenjuje ovaj član i ako je eliminirano razdoblje nepodobnosti koje se inače primjenjuje, kršenje antidoping pravila ne smatra se kršenjem za ograničenu svrhu utvrđivanja razdoblja nepodobnosti za višestruka kršenja na osnovu člana 74.7.

74.5.2 Bez značajnije krivice ili nesavjesnog ponašanja

Ako sportista ili druga osoba dokaže u pojedinačnom slučaju da ne snosi značajniju krivicu ili nesavjesno ponašanje, tada se razdoblje nepodobnosti može smanjiti, ali smanjeno razdoblje nepodobnosti ne smije biti kraće od polovice razdoblja nepodobnosti koje bi inače bilo primjenjivo u rečenom slučaju. Ako je inače primjenjivo razdoblje nepodobnosti -doživotno, smanjeno razdoblje u smislu ovog člana ne smije biti kraće od osam (8) godina. Kada se zabranjena tvar ili njezini metaboliti ili markeri otkriju u sportistinom uzorku u smislu kršenja člana 2.1 Kodeksa (Prisutnost zabranjene tvari ili

njenih metabolita ili markera), mora također dokazati kako je zabranjena tvar dospjela u njegov organizam želi li da razdoblje nepodobnosti bude skraćeno.

[Komentar stavova 74.5.1. i 74.5.2.: Kodeks pruža mogućnost smanjenja ili ukidanja razdoblja nepodobnosti u jedinstvenoj okolnosti kada sportista može dokazati da nije bio ni kriv ni nesavjestan, ili da nije počinio značajniji prijestup ili nesavjesno ponašanje u vezi s kršenjem. Takav je pristup u skladu sa temeljnim principima ljudskih prava i osigurava ravnotežu između onih organizacija za borbu protiv dopinga koje nastoje suziti iznimke ili ih uopće ne priznati, i organizacija koje bi smanjile dvogodišnju suspenziju na temelju niza drugih faktora čak i kada sportista sam priznaje krivnju. Ovi se članovi primjenjuju samo pri određivanju sankcija: nisu primjenjivi na postupak utvrđivanja je li ili nije došlo do kršenja antidoping pravila. Stav 74.5.2. se može primijeniti za svako kršenje antidoping pravila iako će biti posebno teško udovoljiti kriterijima za smanjenje razdoblja nepodobnosti za ona kršenja antidoping pravila kada je znanje element kršenja.]

Stavovi 74.5.1. i 74.5.2. su sročeni kako bi imali učinka samo u onim slučajevima u kojima su okolnosti istinski jedinstvene, a ne u onoj velikoj većini slučajeva.

Za ilustraciju funkcioniranja stava 74.5.1., navodimo primjer u kojem bi tvrdnja "bez krivnje ili nesavjesnog ponašanja" sportiste dovela do potpunog ukidanja sankcije: npr. kada sportista može dokazati da je, uprkos svoj mogućoj pažnji, bio sabotiran od strane konkurenta. Obratno, sankcija ne bi mogla biti u potpunosti ukinuta na temelju iste tvrdnje - bez krivnje ili nesavjesnog ponašanja - u sljedećim okolnostima: (a) kada je pozitivan test rezultat pogrešno etiketiranog ili kontaminiranog vitamina ili prehranbenog dodatka (sportisti su odgovorni za to što unesu u sebe (prema stavu 2.1.1 Kodeksa); i bili su upozoreni na mogućnosti da je dodatak prehrani kontaminiran); (b) davanje zabranjene tvari sportisti od strane sportistinog ličnog doktora ili trenera bez otkrivanja toga sportisti (sportisti su odgovorni za izbor medicinskog osoblja i za saopštavanje Medicinskom osoblju da ne smiju dobivati nikakvu zabranjenu tvar); i (c) sabotiranje sportistine hrane ili pića od strane supruga/supruge, trenera ili neke druge osobe iz kruga sportistinih suradnika (sportisti su odgovorni za to što unesu u sebe, kao i za ponašanje onih osoba kojima su omogućili pristup do svoje hrane ili pića). Međutim, ovisno o jedinstvenim činjenicama pojedinačnog slučaja, bilo koji od navedenih primjera mogao bi završiti smanjenom sankcijom na temelju rezultata prema kojemu nije došlo ni do značajnije krivice ni do značajnijega nesavjesnog ponašanja. (Na primjer, smanjenje bi bilo sasvim prikladno u slučaju a) ako sportista jasno dokaže da je uzrok pozitivnog testa zagađenost običnog multivitamina koji je bio kupljen od izvora koji nema nikakve veze sa zabranjenim tvarima, te da vodi računa o tome da više ne uzima druge prehranbene dodatke.)

Za utvrđivanje krivnje sportiste ili druge osobe prema stavovima 74.5.1. i 74.5.2. dokazi koji se prilažu moraju biti specifični i relevantni za objašnjenje odstupanja sportiste ili druge osobe od očekivanog obrasca ponašanja. Npr. činjenica da će sportista izgubiti mogućnost zaraditi veće sume novca tokom razdoblja nepodobnosti ili činjenica da sportista ima kratko vrijeme prije kraja svoje karijere ili sportski kalendar neće biti faktori u razmatranju smanjenja razdoblja nepodobnosti prema ovom članu, iako maloljetnicima nije dat poseban tretman u određivanju sankcija, mladost i nedostatak iskustva su relevantni faktori koji se uzimaju u obzir pri određivanju krivice sportiste ili druge osobe prema stavu 74.5.2, i prema stavovima 74.3.3., 74.4. i 74.5.1.

Stav 74.5.2. se ne primjenjuje u slučajevima kada se primjenjuje stav 74.3.3. ili član 74.4., zato što te odredbe već uzimaju u obzir stepen krivice sportiste ili druge osobe u svrhu utvrđivanja razdoblja nepodobnosti.]

74.5.3 Značajna pomoć pri otkrivanju ili dokazivanju kršenja antidoping pravila.

Agencija za antidoping kontrolu može kada se radi o kršenju antidoping pravila prije konačnog odlučivanja o žalbi u skladu s poglavljem 13. Kodeksa ili prije isteka roka za žalbu ukinuti dio razdoblja nepodobnosti u pojedinačnom slučaju kada sportista ili druga osoba pruži znatnu pomoć Antidoping organizaciji, nadležnim tijelima ili stručnom disciplinskom tijelu, a što za posljedicu ima otkrivanje kršenja antidoping pravila od strane druge osobe ili što rezultira u otkrivanju kaznene odgovornosti od strane kaznenog ili disciplinskog tijela ili kršenje profesionalnih pravila od strane druge osobe. Nakon donošenja konačne odluke u žalbenom postupku prema poglavlju 13. Kodeksa ili nakon proteka vremena

za žalbu, Agencija za antidoping kontrolu može ukinuti samo dio odgovarajućeg razdoblja nepodobnosti uz odobrenje WADA-e i odgovarajućeg međunarodnog saveza. Za koliko će se razdoblje nepodobnosti ukinuti ovisi o ozbiljnosti antidoping prekršaja počinjenog od strane sportiste ili druge osobe i o značaju stvarne pomoći sportiste ili druge osobe naporima za eliminiranje dopinga u sportu. Može se smanjiti najviše tri četvrtine primijenjenog razdoblja nepodobnosti. Ukoliko je razdoblje nepodobnosti doživotno, suspenzija po ovim pravilima mora biti u trajanju od najmanje osam (8) godina. Ukoliko Agencija za antidoping kontrolu ukine bilo koji dio nepodobnosti prema ovom članu, organizacija za borbu protiv dopinga će odmah o svojim razlozima pismeno obavijestiti svaku organizaciju za borbu protiv dopinga koja ima pravo žalbe na donesenu odluku. Ukoliko organizacija za borbu protiv dopinga naknadno ponovo uvede bilo koji dio ukinutog razdoblja nepodobnosti zato što sportista ili druga osoba nije uspjela pružiti značajnu pomoć koja se od nje očekivala, sportista ili druga osoba se mogu žaliti ponovnom uvođenju nepodobnosti prema članu 13.2. Kodeksa.

[Komentar stava 74.5.3. Saradnja sportiste , sportskog pomoćnog osoblja i drugih osoba koji priznaju svoje pogreške i spremni su razotkriti druga kršenja antidoping pravila važna je u borbi za čisti sport.) Faktori koji se moraju razmotriti u procjenjivanju važnosti značajne pomoći uključuju npr. broj osoba uključenih u određeni slučaj, status tih osoba u određenom sportu, da li je u slučaju došlo do kršenja pravila o nedopuštenom trgovanju prema članu 2.7.Kodeksa ili nedopuštenom davanju sredstava prema članu 2.8. Kodeksa da li je kršenje uključivalo tvar ili metodu koja se ne može lako otkriti prilikom testiranja. Potpuno ukidanje razdoblja nepodobnosti primijenit će se samo u izvanrednim slučajevima. Dodatni faktor koji treba razmatrati u svezi s ozbiljnošću kršenja antidoping pravila je eventualna korist u smislu boljih rezultata koju bi osoba koja pruža značajnu pomoć mogla još uvijek imati. Općenito gledano, što prije u toku postupka dođe do značajne pomoći, veći je postotak razdoblja nepodobnosti koji se može ukinuti.

Ukoliko se sportista ili druga osoba za koju je utvrđeno da je počinila kršenje antidoping pravila poziva na kraćenje razdoblja nepodobnosti prema ovom članu u vezi s odricanjem sportiste ili druge osobe od saslušanja prema članu 8.1.6 Kodeksa, Agencija za antidoping kontrolu će odlučiti da li je ukidanje dijela razdoblja nepodobnosti primjereno prema ovom članu. Ukoliko sportista ili druga osoba traži skraćenje razdoblja nepodobnosti prije završetka saslušanja o kršenju antidoping pravila u skladu s poglavljem 8.(Disciplinska procedura), odbor za saslušanje koje o tome odlučuje će odrediti da li je kraćenje dijela razdoblja nepodobnosti primjereno prema ovom članu u isto vrijeme kada odlučuje da li je sportista ili druga osoba počinila kršenje antidoping pravila. Ukoliko je dio razdoblja nepodobnosti ukinut, u odluci će se objasniti na kojoj osnovi je zaključeno da je dana informacija vjerodostojna i važna za otkrivanje ili dokazivanje kršenja antidoping pravila ili drugog prekršaja. Ukoliko sportista ili druga osoba traži kraćenje razdoblja nepodobnosti nakon što je donesena konačna odluka o kršenju antidoping pravila i ne postoji više mogućnost za žalbu prema poglavlju 13 Kodeksa, ali sportista ili druga osoba se još uvijek nalaze u razdoblju nepodobnosti, sportista ili druga osoba mogu tražiti od Agencije za antidoping kontrolu da razmotri skraćivanje razdoblja nepodobnosti u skladu s ovim podstavom. Svako takvo kraćenje razdoblja nepodobnosti na ovaj način mora dobiti odobrenje od WADA-e ili odgovarajućeg međunarodnog saveza. Ukoliko bilo koji uslov na kojem se zasniva kraćenje razdoblja nepodobnosti nije ispunjen, Agencija za antidoping kontrolu će ponovno vratiti razdoblje nepodobnosti koje bi se inače primjenjivalo. Odluke koje donese organizacija za borbu protiv dopinga u skladu s ovim članom podliježu žalbi u skladu sa članom 13.2 Kodeksa.

Ovo je jedini slučaj u prema ovim antidoping pravilima kada je dopušteno skraćenje inače primjenjivog razdoblja nepodobnosti.]

74.5.4 Priznanje kršenja antidoping pravila u odsutnosti drugih dokaza

Kada sportista ili druga osoba svojevolumno prizna kršenje antidoping g pravila prije nego što je dobila obavijest o uzimanju uzorka kojim bi se utvrdilo kršenje antidoping pravila (ili u slučaju kršenja antidoping pravila koje nije navedeno u članu 2.1 Kodeksa, prije prijema prvog obavještenja o priznanju kršenja u skladu s poglavljem 7 Kodeksa) i kada je priznanje jedini pouzdan dokaz o prekršaju u vrijeme priznanja, tada se razdoblje nepodobnosti može skratiti, ali ne ispod polovice razdoblja nepodobnosti koje bi inače bilo primijenjeno.

[Komentar stava 74.5.4.: Ovaj član će se primjenjivati kada sportista ili druga osoba priznaju kršenje antidoping pravila u okolnostima u kojima nijedna organizacija za borbu protiv dopinga nije svjesna da je možda počinjeno kršenje antidoping pravila. Namjera nije da se ovaj član primijeni u slučaju kada dolazi do priznanja nakon što sportista ili druga osoba znaju da će biti uhvaćene.]

74.5.5 Kada sportista ili druga osoba ostvari pravo na skraćenje sankcije po više osnova u ovom članku

Prije primjene bilo kakvih skraćjenja prema stavovima 74.5.2., 74.5.3. ili 74.5.4. inače primjenjivo razdoblje nepodobnosti odredit će se u skladu sa članovima 74.2., 74.3., 74.4. i 74.6. Ukoliko sportista ili druga osoba ostvari pravo na skraćenje ili ukidanje razdoblja nepodobnosti prema dva ili više stavova 74.5.2., 74.5.3. ili 74.5.4., onda se razdoblje nepodobnosti može ukinuti ili smanjiti, ali ne ispod jedne četvrtine inače primjenjivog razdoblja nepodobnosti.

[Komentar stava 74.5.5.: Odgovarajuća sankcija se određuje u četiri koraka: Prvo, tijelo koje saslušava određuje koju od osnovnih sankcija (članovi 74.2., 74.3., 74.4. ili 74.6.) će primijeniti za određeno kršenje antidoping pravila. U drugom koraku, tijelo koje saslušava utvrđuje da li postoji osnova za ukidanje ili smanjenje sankcije (stavovi od 74.5.1. do 74.5.4.). Ipak je potrebno primijetiti kako se ne mogu sve osnove za smanjenje i ukidanje kombinovati s određivanjem osnovnih sankcija. Npr. stav 74.5.2. se ne primjenjuje u slučajevima koji uključuju stav 74.3.3. ili član 74.4. zato što je tijelo koje saslušava u skladu s stavom 74.3.3. i članom 74.4. već odlučilo o razdoblju nepodobnosti na temelju stepena krivnje sportiste ili druge osobe. U trećem koraku, tijelo koje saslušava odlučuje u skladu s stavom 74.5.5. da li sportista, ili druga osoba, ima pravo na eliminaciju, smanjenje ili suspenziju po više osnova iz člana 74.5. Konačno, tijelo koje saslušava odlučuje o početku razdoblja nepodobnosti u skladu sa članom 74.9.

Sljedeća četiri primjera pokazuju pravilan tok analize:

Primjer 1.

Činjenice: Nepovoljan laboratorijski nalaz uključuje prisutnost anaboličkog steroida; sportista odmah priznaje kršenje antidoping pravila; sportista bez značajne krivnje (stav 10.5.2 Kodeksa); i sportista je pružio važnu značajnu pomoć (stav 10.5.3 Kodeksa)

Primjena Član 10 Kodeksa:

- 1. Osnovna sankcija bi bila dvije godine prema članu 10.2. (Otežavajuće okolnosti (član 10.6 Modela Kodeksa) se neće uzimati u obzir zato što je sportista odmah priznao krivnju. Član 10.4 Kodeksa se neće primijeniti zato što steroid nije specifična tvar).*
- 2. Samo na temelju činjenice da nije utvrđena značajnija krivnja sankcija bi se mogla smanjiti na polovicu vremenskog razdoblja od dvije godine. Samo na temelju značajne pomoći sankcija se može smanjiti na tri četvrtine razdoblja od dvije godine.*
- 3. Prema stavu 10.5.5 Kodeksa kada se uzima u obzir moguće smanjenje zbog nepostojanja značajnije krivnje i značajnije pomoći zajedno, najviše koliko se sankcija može smanjiti na tri četvrtine razdoblja od dvije godine. Dakle, minimalna sankcija bi bila šest mjeseci razdoblja nepodobnosti.*
- 4. Prema stavu 10.9.2 Kodeksa zato što je sportista odmah priznao kršenje antidoping pravila, razdoblje nepodobnosti može početi već od dana uzimanja uzorka, ali u svakom slučaju sportista mora odslužiti najmanje polovicu razdoblja nepodobnosti [najmanje 3 mjeseca) nakon datuma donošenja odluke.*

Primjer 2.

Činjenice: Nepovoljan laboratorijski nalaz uključuje prisutnost anaboličkog steroida; otežavajuće okolnosti postoje i sportista ne može dokazati da je iz neznanja počinio kršenje antidoping pravila;

sportista nije odmah priznao kršenje antidoping pravila, ali je sportista pružio važnu značajnu pomoć (stav 10.5.3 Kodeksa).

Primjena Člana 10 Kodeksa:

- 1. Osnovna sankcija bi bila između dvije i četiri godine nepodobnosti kao što je navedeno u članu 10.6 Kodeksa.*
- 2. Na temelju značajne pomoći sankcija se može smanjiti na tri četvrtine maksimuma od četiri godine.*
- 3. Stav 10.5.5 Kodeksa se ne primjenjuje.*
- 4. Prema stavu 10.9.2 Kodeksa razdoblje nepodobnosti započinje datumom donošenja odluke.*

Primjer 3.

Činjenice: Nepovoljan laboratorijski nalaz uključuje prisutnost specifične tvari; sportista je pokazao kako je specifična tvar ušla u njegovo tijelo i da nije imao namjeru poboljšati sportske rezultate; sportista je dokazao lakši stepen j krivnje; i sportista je pružio važnu značajnu korist (stav 10.5.3 Kodeksa).

Primjena Člana 10 Kodeksa:

- 1. Zato što nepovoljan Laboratorijski nalaz uključuje specifičnu tvar i zato što je sportista zadovoljio ostale uslove iz člana 10.4 Kodeksa, osnovna sankcija bi trebala biti između ukora i dvije godine nepodobnosti. Tijelo koje provodi saslušanje će procijeniti sportistinu krivicu prilikom odmjeravanja kazne u tom rasponu. (Uzmimo za primjer da u ovom slučaju to tijelo odredi razdoblje od 8 mjeseci nepodobnosti.)*
- 2. Na temelju značajne pomoći kazna se može smanjiti na tri četvrtine razdoblja od osam mjeseci (ne manje od 2 mjeseca). (Primjena člana 10.2 Kodeksa o nepostojanju značajnije krivice neće biti moguća zato što je sportistin stepen krivnje već uzet u razmatranje prilikom određivanja osmomjesečnog razdoblja nepodobnosti u prvom koraku.)*
- 3. Stav 10.5.5 Kodeksa se ne primjenjuje.*
- 4. Prema članu 10.9.2. Kodeksa zato što je sportista odmah priznao kršenje antidoping pravila, razdoblje nepodobnosti može početi već od dana uzimanja uzorka, ali u svakom slučaju, sportista mora odslužiti najmanje pola razdoblja nepodobnosti nakon donošenja odluke (najmanje jedan mjesec).*

Primjer 4.

Činjenice: Sportista koji nikada nije imao nepovoljan laboratorijski nalaz i nikad nije kršio antidoping pravila spontano prizna da je namjerno koristio mnoge zabranjene tvari radi poboljšanja rezultata. Sportista je isto tako pružio važnu značajnu pomoć (stav 10.5.3. Kodeksa)

Primjena člana 10 Kodeksa .:

- 1 Iako bi višestruko namjerno uzimanje zabranjenih tvari radi poboljšanja rezultata u normalnim okolnostima značilo otežavajuću okolnost (član 10.6. Kodeksa), sportistino spontano priznanje će značiti da se član 10.6 Kodeksa neće primijeniti. Činjenica da je sportista namjerno uzimao zabranjene tvari će isključiti primjenu člana 10.4 Kodeksa bez obzira na to da li su zabranjene tvari bile specifične tvari. Dakle primijenit će se član 10.2 Kodeksa i osnovno razdoblje nepodobnosti će biti dvije godine.*
- 2. Na temelju isključivo sportistinog spontanog priznanja (stav 10.5.4 Kodeksa), razdoblje nepodobnosti može se smanjiti do polovice razdoblja od dvije godine. Na temelju isključivo značajne pomoći sportiste (stav 10.5.3 Kodeksa), razdoblje nepodobnosti može se smanjiti do tri četvrtine razdoblja od dvije godine.*
- 3. Prema stavu 10.5.5 Kodeksa pri razmatranju spontanog priznanja i značajne pomoći zajedno, navise na koliko se sankcija može smanjiti je do tri četvrtine razdoblja od dvije godine, (najmanje razdoblje nepodobnosti bi bilo šest mjeseci).*
- 4. Da je stav 10.5.4 Kodeksa uzet u obzir od strane tijela koje provodi saslušanje pri dolaženju na najmanje šest mjeseci razdoblja nepodobnosti u koraku 3, razdoblje nepodobnosti bi počelo na datum*

kada je tijelo koje provodi saslušanje nametnulo kaznu. Ako pak tijelo koje vrši saslušanje nije uzelo u obzir primjenu stava 10.5.4. Kodeksa pri smanjivanju razdoblja nepodobnosti u koraku 3, onda prema stavu 10.9.2 Kodeksa početak razdoblja nepodobnosti može početi već od datuma kada je kršenje antidoping pravila počinjeno, uzimajući u obzir da se najmanje polovica tog razdoblja (minimum tri mjeseca) mora odslužiti nakon datuma donošenja odluke.]

74.6 Otežavajuće okolnosti koje mogu povećati razdoblje nepodobnosti

Ukoliko Agencija za antidoping kontrolu utvrdi da u pojedinom slučaju, koji uključuje kršenje antidoping pravila različito od kršenja navedenih u članu 2.7. Kodeksa (Nedopušteno trgovanje ili pokušaj nedopuštenog trgovanja) i članu 2.8. Kodeksa (Davanje ili pokušaj davanja), postoje otežavajuće okolnosti koje opravdavaju nametanje razdoblja nepodobnosti duže nego što je uobičajeno, razdoblje nepodobnosti koje bi se primijenilo produžiti će se na najviše četiri godine osim ako sportista ili druga osoba mogu dokazati na zadovoljavajući način tijelu koje provodi saslušanje, da nisu znali da krše antidoping pravilo.

Sportista ili druga osoba mogu izbjeći primjenu ovog člana ukoliko priznaju kršenje antidoping pravila odmah nakon što su suočeni s optužbom za kršenje antidoping pravila od strane organizacije za borbu protiv dopinga.

[Komentar člana 74.6.: Primjeri otežavajućih okolnosti koji mogu opravdati nametanje razdoblja nepodobnosti dužeg od uobičajenog su: sportista ili druga osoba su počinili kršenje antidoping pravila u sklopu plana ili sheme, pojedinačno ili u zavjeri ili kao dio zajedničkog pothvata radi kršenja antidoping pravila; sportista ili druga osoba koja je koristila ili posjedovala više zabranjenih tvari ili zabranjene metode ili je posjedovala ili koristila zabranjenu tvar ili zabranjenu metodu više puta; normalni pojedinac je skloniji uživati učinke poboljšanja kršenja antidoping pravila nakon inače primjenjivog razdoblja nepodobnosti: sportista ili osoba uključeni u prijetočno ili ometajuće ponašanje da bi izbjegli otkrivanje ili kažnjavanje za kršenje antidoping pravila.

Da bi se izbjegla sumnja, primjeri otežavajućih okolnosti koji su opisani u komentaru člana 74.6. nisu isključivi i drugi otežavajući faktori isto tako mogu opravdati nametanje dužeg razdoblja nepodobnosti. Kršenja prema članu 2.7 Kodeksa (Nedopušteno trgovanje ili pokušaj nedopuštenog trgovanja) i članu 2.8 Kodeksa (Davanje ili pokušaj davanja) nisu uključeni u primjeni člana 74.6. zato što kazne za ovakva kršenja (od četiri godine do doživotne nepodobnosti) već u sebi uključuju dovoljno diskrecije da bi se omogućilo razmatranje bilo koje otežavajuće okolnosti.]

74.7 Višestruka kršenja

74.7.1 Drugo kršenje doping pravila

Za sportistu ili drugu osobu koja prvi put prekrši doping pravilo razdoblje nepodobnosti je određeno članovima 74.2. i 74.3. (ovo razdoblje se može skratiti ili ukinuti prema članovima 74.4. ili 74.5. ili se može povećati prema članu 74.6.). Za drugo kršenje antidoping pravila razdoblje nepodobnosti će biti u rasponu navedenom u sljedećoj tablici.

Prvi prekršaj	SK	PPPT	BZKN			
Drugi prekršaj						
SK	1-4 godine	2-4 godine	2-4 godine	4-6 godina	8-10 godina	10 godina - doživotna
PPPT	1-4 godine	4-8 godina	4-8 godina	6-8 godina	10 godina - doživotna	doživotna
	1-4 godine	4-8 godina	4-8 godina	6-8	10	doživotna

BZKN				godina	godina - doživotna	
St	2-4 godine	6-8 godina	6-8 godina	8 godina- doživotna	doživotna	doživotna
TK	4-5 godina	10 godina- doživotna	10 godina - doživotna	doživotna	doživotna	doživotna
ZTD	8 godina - doživotna	doživotna	doživotna	doživotna	doživotna	doživotna

Definicije pojmova u tablici drugog kršenja antidoping pravila:

SK [Smanjena kazna za specifične tvari prema članu 74.4.): Kršenje antidoping pravila je ili bi trebalo biti kažnjeno smanjenjem kazne prema članu 74.4. zato što uključuje specifičnu tvar, a ispunjeni su i drugi uslovi iz člana 74.4.

PPPT (Pogrešna popunjavanja ili propuštena testiranja): Kršenje antidoping pravila je ili bi trebalo biti kažnjeno prema stavu 74.3.3. (Pogrešna popunjavanja ili propuštena testiranja).

BZKN (Smanjena kazna zbog beznačajnije krivnje ili nemara):

Kršenje antidoping pravila je ili bi trebalo biti kažnjeno manjom kaznom prema stavu 74.5.2. zato što je sportista dokazao da ne postoji značajnija krivnja ili nemar prema članu 74.5.2.

St (Standardna kazna prema članu 74.2. ili stavu 74.3.1.): Kršenje antidoping pravila je ili bi trebalo biti kažnjeno standardnom kaznom od dvije godine prema članu 74.2 ili stavu 74.3.1.

TK(Teža kazna):

Kršenje antidoping pravila je ili bi trebalo biti kažnjeno težom kaznom prema članu 74.6. zato što je organizacija za borbu protiv dopinga utvrdila uslove navedene u članu 74.6.

ZTD (Zabranjeno trgovanje ili pokušaj trgovanja i davanje ili pokušaj davanja):

Kršenje antidoping pravila je ili bi trebalo biti kažnjeno kaznom prema stavu 74.3.2.

[Komentar stava 74.7.1.: Tablica je napravljena stavljajući prva kršenja antidoping pravila od strane sportiste ili druge osobe u lijevi stupac i idući prema desno do stupca koji predstavlja drugo kršenje. Npr., pretpostavimo da je sportista dobio standardno razdoblje nepodobnosti za prvo kršenje prema članu 74.2., a potom je počinio i drugo kršenje za koje je dobio smanjenu sankciju za specifičnu tvar prema članu 74.4. Tablica se koristi da bi se odredilo razdoblje nepodobnosti za drugo kršenje. Tablica se u ovom slučaju koristi tako da se počinje u lijevom stupcu i ide dolje do četvrtog reda koje je 'St' što znači 'Standardna kazna', onda se ide preko tablice do prvog stupca koji je 'SK' što znači 'Smanjena kazna za specifičnu tvar', znači sportista će biti kažnjen na 2-4 godine nepodobnosti za drugo kršenje. Stepen krivnje sportiste a ili druge osobe bit će kriterij koji se uzima u obzir prilikom razdoblja nepodobnosti u rasponu koji se valja primijeniti.]

[Komentar stava 74.7.1.: Definicija SK-a: Vidi član 25.4 Kodeksa u vezi s primjenom stava 74.7.1. za kršenje antidoping pravila prije Kodeksa.]

74.7.2 Primjena stavova 74.5.3. i 74.5.4. na drugo kršenje antidoping pravila

Kada sportista ili druga osoba koja prekrši antidoping pravilo drugi put, a ima pravo na smanjenje ili ukidanje dijela razdoblja nepodobnosti prema stavu 74.5.3. ili 74.5.4., tijelo koje saslušava će prvo utvrditi razdoblje nepodobnosti koje bi se inače primijenilo prema rasponu određenom tablicom u stavu 74.7.1. i onda primijeniti odgovarajuće ukidanje ili smanjenje razdoblja nepodobnosti. Razdoblje nepodobnosti koje je preostalo nakon primjene ukidanja ili smanjenja prema stavu 74.5.3. ili 74.5.4. mora iznositi najmanje jednu četvrtinu razdoblja nepodobnosti koje bi se inače primijenilo.

74.7.3 Treće kršenje antidoping pravila

Treće kršenje antidoping pravila će za rezultat uvijek imati doživotno razdoblje nepodobnosti osim ukoliko treće kršenje ispunjava uslov za ukidanje ili smanjenje razdoblja nepodobnosti prema članu 83.4. ili uključuje kršenje člana 2.4 Kodeks (Nepravilno popunjavanje i/ili propuštena testiranja). U ovim tačno određenim slučajevima razdoblje nepodobnosti će biti od osam godina do doživotne zabrane.

74.7.4. Dodatna pravila za određena moguća višestruka kršenja

U svrhu određivanja sankcija prema članu 74.7. kršenje antidoping pravila će se smatrati drugim kršenjem ako Agencija za antidoping kontrolu može dokazati da je sportista ili druga osoba počinio drugo kršenje antidoping pravila nakon što je sportista ili druga osoba primio obavještenje u skladu s Članom 7. Kodeksa (Upravljanje rezultatima), ili nakon što je Agencija za antidoping kontrolu pokušala sve da mu dostavi obavještenje o prvom kršenju antidoping pravila; ako Agencija za antidoping kontrolu to ne može dokazati, kršenja se moraju zajedno razmatrati kao jedno i prvo kršenje, a određivanje sankcije mora se zasnivati na onom kršenju koje za sobom povlači oštriju sankciju. Ipak, pojava višestrukih kršenja može se smatrati faktorom pri određivanju otežavajućih okolnosti

Ukoliko nakon rješavanja prvog kršenja antidoping pravila Agencija za antidoping kontrolu otkrije činjenice koje otkrivaju kršenje antidoping pravila od strane sportiste ili druge osobe do kojeg je došlo prije obavještenja o prvom kršenju, onda će organizacija za borbu protiv dopinga odrediti dodatnu kaznu na temelju kazne koja bi mogla biti izrečena da su dva kršenja bila procesuirana u isto vrijeme. Rezultati u svim takmičenjima do počinjenja prvog kršenja antidoping pravila će se diskvalifikovati kao što je navedeno u članu 74.8.

Da bi se izbjegla mogućnost pronalaženja otežavajućih okolnosti (član 74.6.) na temelju ranije počinjenog, ali kasnije otkrivenog kršenja, sportista ili druga osoba mora dobrovoljno priznati ranije kršenje antidoping pravila nakon obavještenja o kršenju za koje je prvobitno optužen. Isto pravilo će se primijeniti kada organizacija za borbu protiv dopinga otkrije činjenice koje uključuju drugo prijašnje kršenje nakon razrješenja drugog kršenja antidoping pravila.

[Komentar stava 74.7.4: U hipotetskoj situaciji sportista počinio kršenje antidoping pravila 1. januara 2008., koje Agencija za antidoping kontrolu ne otkrije do 1. decembra 2008. U međuvremenu sportista počinio drugo kršenje antidoping pravila 1. marta 2008., a sportista bude obaviješten o tom kršenju od strane Agencije za antidoping kontrolu 30. marta 2008. i tijelo koje provodi saslušanje odluči 30. jula 2008., da je sportista 1. marta 2008., prekršio antidoping pravilo. Kasnije otkriveno kršenje do kojeg je došlo 1. januara 2008., će biti osnova za otežavajuće okolnosti zato što sportista nije na vrijeme dobrovoljno priznao kršenje, nakon što je sportista dobio obavijest o kasnijem kršenju 30. marta 2008.]

74.7.5. Višestruka kršenja antidoping pravila tokom razdoblja od osam godina

Kako je navedeno u članu 74.7. svako kršenje antidoping pravila mora biti počinjeno unutar razdoblja od 8 (osam) godina da bi se moglo smatrati višestrukim kršenjem.

74.8 Diskvalifikacija rezultata na takmičenjima poslije uzimanja uzoraka ili uputstava o kršenju antidoping pravila

Osim automatske diskvalifikacije rezultata postignutog s pozitivnim uzorkom na takmičenju u smislu Člana 9 Kodeksa (Automatska diskvalifikacija pojedinačnih rezultata), svi drugi takmičarski rezultati, postignuti od datuma kada je uzet pozitivan uzorak (bez obzira na to je li to bilo na takmičenju ili izvan takmičenja) ili počinjen drugi doping prekršaj, tokom početka svake privremene suspenzije ili razdoblja nepodobnosti, moraju se - osim ako pravedan postupak ne nalaže drugačije –diskvalifikovati sa svim pratećim posljedicama, uključujući gubitak prava na sve medalje, bodove i nagrade.

74.8.1. Kao uslov ukidanja nepodobnosti nakon što je otkriveno da je počinjeno kršenje antidoping pravila, sportista prvo mora vratiti sav novac od nagrada izgubljen prema ovom članu.

74.8.2. Raspodjela izgubljenog novca od nagrada

Osim ako pravila međunarodnog saveza određuju da će se novac od nagrada morati vratiti sportistima, novac će se prvo dodijeliti [da bi se namirili troškovi uzimanja uzorka] organizaciji za borbu protiv dopinga koja je preduzela neophodne korake da bi se novac od nagrada vratio, potom se nadoknađuju

troškovi upravljanja rezultatima organizacija za borbu protiv dopinga u dotičnom slučaju, u razmjeru, s ako je potrebno, raspodjelom u skladu s pravilima međunarodnog saveza.

[Komentar stava 74.8.2.: Ništa u ovim antidoping pravilima ne sprječava čiste sportiste ili druge osobe kojima je nanesena šteta postupcima osobe koja je počinila kršenje antidoping pravila od potraživanja bilo kojeg prava od takve osobe.]

74.9. Početak razdoblja nepodobnosti

Osim kao što je navedeno u nastavku, razdoblje nepodobnosti će početi datumom donošenja odluke na saslušanju o nepodobnosti ili, ako se od saslušanja odustane, s datumom kada se nepodobnost prihvati ili odredi na neki drugi način. Svako razdoblje privremene suspenzije (bilo nametnute ili dobrovoljno prihvaćene) mora se uračunati u ukupno razdoblje nepodobnosti koje treba odslužiti.

74.9.1. Odgode za koje nisu krivi sportista ili druga osoba Kada postoji značajna odgoda u procesu saslušanja ili dugim aspektima doping kontrole koji se ne mogu pripisati sportisti u ili drugoj osobi, tijelo koje određuje sankciju može prebaciti početak razdoblja nepodobnosti na neki raniji datum, čak i na datum prikupljanja uzoraka za testiranje ili na zadnji datum na koji je počinjeno drugo kršenje antidoping pravila.

74.9.2. Pravovremeno priznanje

Kada sportista odmah (što u svakom slučaju znači prije nego što se počne ponovo takmičiti) prizna kršenje antidoping pravila nakon što je bio suočen s kršenjem antidoping pravila od organizacije za borbu protiv dopinga, razdoblje nepodobnosti može početi već od datuma uzimanja uzorka ili od datuma kada je počinjeno zadnje kršenje drugog antidoping pravila. U svakom slučaju, međutim, ako se ovaj član primjenjuje, sportista ili druga osoba će odslužiti najmanje polovicu razdoblja nepodobnosti koje započinje datumom na koji je sportista ili druga osoba prihvatio određivanje kazne ili od datuma donošenja odluke o određivanju kazne.

[Komentar stava 74.9.2.: Ovaj član se neće primijeniti kada je razdoblje nepodobnosti već skraćeno prema stavu 74.5.4. (Priznanje kršenja antidoping pravila u odsutnosti drugog dokaza)]

74.9.3. Ukoliko je određena privremena suspenzija i sportista ju poštuje, onda će se sportista u to razdoblje privremene suspenzije uzeti u obzir prilikom određivanja nepodobnosti koje će mu na kraju biti izrečeno.

74.9.4. Ukoliko sportista dobrovoljno prihvati privremenu suspenziju pismeno od strane organizacije za borbu protiv dopinga koja ima ovlaštenje upravljanja rezultatima i u skladu s time se suzdrži od takmičenja, sportista će to razdoblje dobrovoljne privremene suspenzije moći uračunati u razdoblje nepodobnosti koje će na kraju biti određeno. Kopija sportistinog dobrovoljnog pristanka na suspenziju će pravovremeno biti uručena svim stranama koje su ovlaštene za dobivanje obavještenja o mogućem kršenju antidoping pravila prema članu 14.1 Kodeksa.

[Komentar stava 74.9.4. Sportistin dobrovoljni pristanak za privremenu suspenziju nije priznanje sportiste i neće se koristiti na način koji bi mogao štetiti sportistinom položaju.]

74.9.5. Neće se uračunati u razdoblje nepodobnosti vremensko razdoblje koje se odnosi na vrijeme prije datuma započinjanja privremene suspenzije ili dobrovoljne privremene suspenzije bez obzira na to da li se sportista odlučio ne takmičiti ili je bio suspendovan od svog tima.

[Komentar člana 74.9.: Tekst člana 74.9. je revidiran da bi se objasnilo da su odgađanja koja se ne mogu pripisati sportisti pravovremeno priznanje sportiste i privremena suspenzija jedini opravdani razlozi za započinjanje razdoblja nepodobnosti prije datuma donošenja odluke. Ove promjene ispravljaju nedosljednu interpretaciju i primjenu prijašnjeg teksta.]

74.10. Status tokom razdoblja nepodobnosti

74.10.1. Zabrana učestvovanja tokom razdoblja nepodobnosti

Nijedan sportista ili druga osoba koju se proglasi nepodobnom ne može tokom razdoblja nepodobnosti učestvovati ni u kojem svojstvu na takmičenju ili drugoj aktivnosti (osim u odobrenom obrazovanju o borbi protiv dopinga i rehabilitacijskom programu) koju ovlašćuje ili organizuje svaki potpisnik ili potpisnikova organizacija članica ili klub ili druga organizacija koja je članica potpisnikove organizacije članice ili na takmičenjima koje je ovlastila ili organizirala bilo koja profesionalna liga ili bilo koja međunarodna ili nacionalna organizacija koja organizuje takmičenje .

Sportista ili druga osoba koja podliježe razdoblju nepodobnosti dužem od četiri godine može, poslije odsluženja četverogodišnjega razdoblja nepodobnosti, učestvovati u svim lokalnim pojedinačnim sportskim takmičenjima izuzev u sportu u kojemu je osoba počinila kršenje antidoping pravila, ali samo tako dugo dok se rečeno pojedinačno sportsko takmičenje ne nalazi na razini koja bi takvu osobu mogla direktno ili indirektno kvalifikovati za nastup (ili skupljanje kvalifikacijskih bodova) na nacionalnom prvenstvu ili međunarodnom takmičenju . Osoba koja se nalazi u razdoblju nepodobnosti ostat će dostupna za testiranje.

[Komentar stava 74.10.1: Npr., sportista za vrijeme razdoblja nepodobnosti ne može učestvovati u trening kampu, egzibiciji ili vježbi organizovanoj j od strane nacionalnog saveza ili kluba koji je član tog nacionalnog saveza. Isto tako, sportista za vrijeme razdoblja nepodobnosti se ne smije takmičiti u profesionalnoj ligi koju organizuje nepotpisnica (npr. NHL, ULEB, itd.), događaji organizovani od strane organizacija nepotpisnica međunarodnih događaja ili nepotpisnica nacionalnog nivoa koje organizuju događaje bez izazivanja posljedica navedenih u stavu 74.10.2. Kazne u jednom sportu bit će prepoznate i u drugim sportovima (vidi član 15.4. Kodeksa - Međusobno priznanje)]

74.10.2 Kršenje zabrane takmičenja tokom razdoblja nepodobnosti

Kada sportista ili druga osoba koja je kažnjena razdobljem nepodobnosti prekrši zabranu učestvovanja tokom razdoblja nepodobnosti na način opisan u stavu 74.10.1., rezultati takvog učestvovanja bit će diskvalifikovani i razdoblje nepodobnosti koje je prvobitno nametnuto počet će ponovo od datuma kršenja. Novo razdoblje nepodobnosti može se skratiti prema stavu 74.5.2. ako sportista ili druga osoba tvrdi da on ili ona ne snosi značajnu krivicu ili nemar za kršenje zabrane učestvovanja . Odluku da li je sportista ili druga osoba prekršila zabranu učestvovanja i da li je skraćenje prema stavu 74.5.2. prikladno, donijet će organizacija za borbu protiv dopinga čije je upravljanje rezultatima dovelo do nametanja prvobitnog razdoblja nepodobnosti.

[Komentar stava 74.10.2.: Ako je sportista ili druga osoba optužena da je prekršila zabranu učestvovanja tokom razdoblja nepodobnosti, organizacija za borbu protiv dopinga koja upravlja rezultatima za kršenje antidoping pravila, a koji su rezultirali razdobljem nepodobnosti odredit će da li je sportista prekršio zabranu i ako je da li je sportista ili druga osoba ostvarila pravo na smanjenje novog razdoblja nepodobnosti prema stavu 74.5.2. Na odluke donesene od strane organizacije za borbu protiv dopinga prema ovom članu može se žaliti u skladu s članom 13.2 Kodeksa.

Kada sportistino pomoćno osoblje ili druga osoba značajno pomogne sportisti u kršenju zabrane učestvovanja tokom razdoblja nepodobnosti, Agencija za antidoping kontrolu može primjereno nametnuti kazne prema svojim disciplinskim pravilima za ovakvu pomoć.]

74.10.3. Zadržavanje ili finansijska pomoć tokom nepodobnosti

Uz sve to, za bilo koje kršenje antidoping pravila koje ne uključuje smanjenu kaznu za specifične stvari kao što je opisano u članu 10.4. Kodeksa dio ili cijela sa sportom povezana finansijska pomoć ili druge sa sportom povezane pogodnosti koje je dobila takva osoba bit će zadržane od strane potpisnica članova organizacija i vlada.

74.11. Ponovno sticanje podobnosti testiranjem

Kao uslov ponovnog sticanja podobnosti na kraju tačno određenog razdoblja nepodobnosti, sportista mora - tokom svakoga razdoblja privremene suspenzije ili nepodobnosti - biti na raspolaganju za testiranje izvan takmičenja , koje provodi Agencija za antidoping kontrolu, i mora - na zahtjev - dostavljati najnoviju i tačnu informaciju o svome boravištu. Ako se sportista , koji podliježe razdoblju nepodobnosti, povlači iz sporta i skida s popisa registrovane grupe za testiranje izvan takmičenja , a kasnije zatraži ponovno uključivanje u sport, sportista ne smije biti podoban za ponovno uključivanje sve dok isti sportista o tome ne obavijesti Agenciju za antidoping kontrolu i ne podvrgne se testiranju izvan takmičenja tokom vremenskog razdoblja [koje je duže nego što je to predviđeno Članom 5.6 Modela pravila] [koje je jednako razdoblju nepodobnosti koje je preostalo počevši od datuma kada se sportista povukao].

Član 75. **(Posljedice za timove)**

75.1. Testiranje u timskim sportovima

Kada se više od jednoga člana sportske ekipe u timskom sportu obavijesti o mogućem kršenju antidoping pravila u smislu Člana 7 Kodeksa, a u vezi s nekom sportskom manifestacijom, tijelo koje upravlja događajem će provesti odgovarajuće ciljano testiranje sportske ekipe tokom trajanja takmičenja .

75.2. Posljedice za sportske timove

Ako se otkrije da je više od dva člana u timskom sportu počinilo kršenje antidoping pravila tokom razdoblja takmičenja , tijelo koje upravlja događajem nametnut će odgovarajuću kaznu sportskom timu (npr. gubitak bodova, diskvalifikacija iz takmičenja ili događaja ili druga kazna) uz posljedice koje su nametnute pojedinačnom sportisti koji je počinio kršenje antidoping pravila.

75.3. Tijelo koje upravlja događajem može nametati teže posljedice za sportske timove

Tijelo koje upravlja događajem može utvrditi pravila za događaj koja nameću posljedice teže od onih u članu 75.2 ovih pravila za potrebe tog događaja.

[Komentar člana 75.3.: Npr., Međunarodni olimpijski odbor može donijeti pravila koja zahtijevaju diskvalifikaciju tima s Olimpijskih igara na temelju manjeg broja kršenja antidoping pravila tokom trajanja Olimpijskih igara.]

Članak 76. **(Obavijest o identitetu osobe za vrijeme postupka)**

- (1) Agencija, športski savez, ili bilo koja druga osoba, koja je upućena u okolnosti slučaja ne sme da javno objavljuje ili izvijesti javnost o identitetu športaša čiji analitički nalaz odstupa od dozvoljenog, ili za koga se pretpostavlja da je učinio povredu antidoping propisa, sve dok traje prethodni postupak pred Agencijom.
- (2) Najkasnije u roku od 20 dana od okončanja prethodnog postupka, Agencija će informirati javnost o identitetu športaša, odnosno druge osobe i, vrsti povrede antidoping propisa koja mu se stavlja na teret.

Članak 77. **(Prisustvo analizi uzorka B)**

- (1) Svaki športaš ima pravo da zahtijeva i prisustvuje analizi uzorka "B", da bi se utvrdilo da li i taj uzorak pokazuje prisustvo iste zabranjene supstance koja je otkrivena u uzorku "A".
- (2) Športaš mora zahtjev za analizu uzorka B Agenciji podnijeti pismeno, najkasnije u roku od sedam dana od dana prijema obavještenja iz članka 83. stav (1) ovih Pravila. Ukoliko zahtjev ne bude podnjet u ovom roku, smatra se da se športaš odrekao prava na analizu B uzorka.

- (3) Uz zahtjev za analizu uzorka B, športаш prilaže potvrdu o uplaćenju taksi Agenciji u visini utvrđenoj odlukom Agencije. Analizi B uzorka se pristupa tek po uplati takse.
- (4) Športаш se može odreći prava na analizu B uzorka, u kojem slučaju Agencija nije obavezna da sprovodi analizu B uzorka. Uprkos tome, Agencija može naložiti da se izvrši analiza i B uzorka.
- (5) Ukoliko se športаш odrekne prava na analizu B uzorka to ne znači potvrdu postojanja povrede antidoping propisa već predstavlja samo neoborivu pretpostavku da bi analiza B uzorka potvrdila rezultate analize A uzorka.
- (6) Športаш snosi sve troškove analize B uzorka, osim ako analiza B uzorka ne potvrdi pozitivan rezultat analize A uzorka ili ako je analizu B uzorka naložila Agencija.

Članak 78.

(Obavijest o mjestu analize uzorka B)

- (1) Ukoliko športаш zahtijeva analizu B uzorka, Agencija će preduzeti mjere da se analiza B uzorka obavi što je moguće prije, a u svakom slučaju u roku od tri tjedna nakon prijema zahtjeva. Agencija blagovremeno obavještava športашa o mjestu, datumu i vremenu analize B uzorka.
- (2) Ukoliko športаш, odnosno njegov zastupnik ili punomoćnik ne dođu blagovremeno na analizu uzorka B, iako je blagovremeno obaviješten i ne dokaže da je do zakašnjenja došlo bez njegove krivice odnosno njegovog zastupnika ili punomoćnika, zakašnjenje se smatra odricanjem prava na prisustvo analizi uzorka B.
- (3) Športаш može sa sobom povesti i eksperta, s tim na strani športашe analizi uzorka B ne može prisustvovati više od tri osoba (uključujući i njega). Analizi uzorka B na strani Agencije mogu prisustvovati tri osobe.
- (4) Analiza uzorka B se vrši u istoj laboratoriji u kojoj je izvršena i analiza uzorka A, shodno Međunarodnim standardima za laboratorije odobrenim od Svjetske antidoping agencije. Izuzetno, analiza B uzorka može se obaviti u nekoj drugoj akreditiranoj laboratoriji, ako športаш podnese značajne dokaze koji ozbiljno dovode u sumnju neovisnost prvobitno određene laboratorije. O potrebi zamjene laboratorije odlučuje Agencija, bez mogućnosti podnošenja žalbe na tu odluku.
- (5) Športаш i njegova nacionalna športska asocijacija se pismeno obavještava o rezultatima analize B uzorka.

Članak 79.

(Obavijest o poduzetim mjerama i rezultatima uzorka A i B)

Nakon sprovedenih ispitivanja u skladu sa čl. 72-74. i 76-78. ovih pravila, Agencija bez odlaganja obavještava nadležnu nacionalnu športsku asocijaciju o rezultatima analize A i B uzorka, izjašnjenjima športашa i rezultatima sopstvenih dodatnih istraživanja povrede antidoping propisa.

Članak 80.

(Odustajanje od poduzetih mjera)

- (1) Ukoliko analiza B uzorka ne potvrdi rezultate analize A uzorka, prema športашu se ne poduzimaju nikakve dalje mjere i postupci, a sve prethodno izrečene mjere se ukidaju.
- (2) U slučaju u kome je športаш ili ekipa športашa isključena iz natjecanja, športаш ili njegova ekipa mogu nastaviti natjecanje ukoliko je dalje natjecanje još moguće bez uticanja na regularnost daljih natjecanja.
- (3) Prema športашu, odnosno drugoj osobi se obustavlja dalji postupak i kada je Agencija, nakon prethodnih ispitivanja došla do zaključka, na temelju okolnosti iz člana 72. i 76. i obavještenja iz Članaka 80. ovih pravila, da ne postoji povreda antidoping propisa.
- (4) Odluku iz stava 3. ovog članka donosi ravnatelj Agencije, u suradnji sa odborima Agencija nadležnim za TUE i doping kontrolu.
- (5) Na odluku ravnatelja iz prethodnog stava može se izjaviti žalba Antidoping odboru Agencije. Ukoliko žalba bude usvojena, protiv športашa, odnosno druge osobe se nastavlja postupak utvrđivanja odgovornosti za povredu antidoping pravila, sukladno ovim pravilima.

Članak 81.

(Poduzimanje mjera kad uzorak B potvrdi nalaz Uzorka A)

- (1) Ukoliko analiza B uzorka potvrdi analizu A uzorka, ili ako se športаш odrekao prava na analizu B uzorka ili je zahtev neblagovremeno podnio ili uz zahtjev nije plaćena propisana taksa, odnosno ako istraživanja koja je preduzela Agencija pokazuju da postoji povreda antidoping propisa, prema športašu i drugim odgovornim osobama se preduzimaju disciplinske i druge mjere i postupci u skladu sa Kodeksom i Pravilima o utvrđivanju odgovornosti osoba koje je učinilo povredu antidoping propisa Agencijae i antidoping propisima nadležnog športskog saveza i međunarodne športske asocijacije.
- (2) Športski savez treba, po pravilu, najkasnije sedam dana nakon prijema obavještenja Agencije da je određeno osoba učinila povredu antidoping propisa da pokrene pred svojim disciplinskim organom postupak za utvrđivanje odgovornosti za povredu antidoping propisa.
- (3) Usmena rasprava trebala bi, po pravilu, da se održi najkasnije četiri tjedna nakon isteka roka iz stava 2. ovog članka.
- (4) Agencija uvijek ima pravo da se pojavi kao stranka u postupku utvrđivanja odgovornosti za povredu antidoping propisa, bilo da se postupak vodi pred nacionalnom športskom asocijacijom ili Antidoping odborom Agencije, bilo da tužbu ili žalbu podnosi Agencija ili druga osoba.
- (5) Žalba na odluku nadležne nacionalne športske asocijacije u vezi utvrđivanja odgovornosti osoba zbog povrede antidoping propisa podnosi se Agencije, u skladu sa Pravilima o utvrđivanju odgovornosti osoba koje su učinile povredu antidoping propisa.
- (6) U slučaju da nadležna nacionalna športska asocijacija ne donese blagovremeno prvostepenu odluku o utvrđivanju odgovornosti osoba za povredu antidoping propisa, nadležnost za utvrđivanje odgovornosti prelazi na Agenciju, u skladu sa Kodeksom i Pravilima o utvrđivanju odgovornosti osoba koje je učinilo povredu antidoping propisa.
- (7) Nadležna športska asocijacija obavezna je da prvostepenu odluku o utvrđivanju odgovornosti osoba za povredu antidoping propisa dostavi bez odlaganja svim osobama koja su ovlaštena da izjave žalbu na tu odluku u skladu sa Pravilima o utvrđivanju odgovornosti osoba koje je učinilo povredu antidoping propisa

Članak 82.

(Obavjest o pravosnažnosti izrečene mjere)

- (1) Ravnatelj Agencija i osoba koja zastupa nadležnu nacionalnu športsku asocijaciju obavezni su da o slučajevima pravosnažno utvrđene povrede antidoping propisa obavijeste ministarstvo nadležno za poslove športa i druge nadležne državne organe radi pokretanja prekršajnog ili krivičnog postupka u skladu sa Kodeksom i Pravilima o utvrđivanju odgovornosti osoba koje je učinilo povredu antidoping propisa.
- (2) Agencija obavještava Svjetsku antidoping agenciju o svakom slučaju povrede antidoping propisa.

TRINAESTI DIO - TROŠKOVI ORGANIZIRANJA I SPROVOĐENJA DOPING KONTROLE

Članak 83.

(Troškovi antidoping kontrole)

- (1) Troškove organiziranja i sprovođenja doping kontrole izvan natjecanja koja se poduzima na temelju godišnjeg programa sprovođenja doping kontrole koji je donio Ravnatelj Agencije ili na temelju posebne odluke ravnatelja Agencije, snosi Agencija, ako ovim pravilima nije drugačije određeno.

- (2) Troškove organiziranja i sprovođenja doping kontrole izvan natjecanja koja se preduzima na prijedlog ovlaštene osoba, snosi ta osoba, ako odlukom nije drugačije određeno.
- (3) Troškove organiziranja i sprovođenja doping kontrole na športskom natjecanju koja se poduzima na temelju godišnjeg programa sprovođenja doping kontrole koji je donio ravnatelj Agencije snosi Agencija, ako odlukom Agencije nije drugačije određeno.
- (4) Troškove organiziranja i sprovođenja doping kontrole na športskom natjecanju koja se preduzima na temelju posebne odluke ravnatelja Agencije, snosi Agencija, ako ovim pravilima nije drugačije određeno.
- (5) Troškove organiziranja i sprovođenja doping kontrole na športskom natjecanju koja se preduzima na prijedlog ovlaštene osobe, snosi ta osoba, ako odlukom Agencije nije drugačije određeno.

ČETRNAESTI DIO-IZVJEŠTAJI

Članak 84.

(Obrazac za uzimanje uzoraka)

Postupak doping kontrole (uzimanja uzoraka) dokumentira se na obrazacu koji je odštampan uz ova pravila i čini njegov sastavni dio.

Članak 85.

(Izveštaji o usaglašavanju sa Svjetskim antidoping kodeksom agencije za antidoping kontrolu WADA-i)

Agencija za antidoping kontrolu mora izvještavati WADA-u o svome usaglašavanju sa Kodeksom svake druge godine i mora pojasniti razloge bilo kojeg neusaglašavanja.

PETNAESTI DIO – ZAVRŠNE ODREDBE

Članak 86.

(Izmjene, tumačenje i važenje)

86.1 Izmjene antidoping pravila moraju biti usvojene na isti način kao ova antidoping pravila. Nacionalne sportska udruženja će primjenjivati svaku izmjenu usvojenu od strane Agencije odmah ili najkasnije tri mjeseca nakon usvajanja.

86.2 Ako se bilo koji član ovih antidoping pravila prestane smatrati važećim, ili se stavi van snage ili postane nelegalan zbog bilo kojeg razloga, ova antidoping pravila će inače ostati potpuno na snazi osim tog člana koji će se smatrati izbrisanim sve dok je nevažeći, van snage ili nelegalan.

86.3 Ova antidoping pravila će se interpretirati kao nezavisan i autonoman tekst ne upućujući na postojeću legislativu niti statute, osim kako je to opisano u članu 86.6 ovih pravila.

86.4 Naslovi koji se koriste u ovim antidoping pravilima su samo za prepoznavanje i ne mogu se smatrati dijelom suštine ovih antidoping pravila niti mogu uticati na jezik odredaba na koje se odnose.

86.5 Uvod, dodatak 1 (definicije), dodatak 2 (obraci) imeđunarodni standardi koje je izdala WADA se smatraju sastavnim dijelovima ovih antidoping pravila.

86.6 Ova antidoping pravila su usvojena na osnovu primjenjivih odredaba Kodeksa i moraju biti interpretirana na način koji je konzistentan sa primjenjivim odredbama Kodeksa.

86.7 Komentari kojima se komentiraju razne odredbe Kodeksa i ovih antidoping pravila bi se trebali koristiti da bi se interpretirala ova antidoping pravila.

Članak 87.

(Prelazne odredbe i pravosnažnost)

- (1) Ova antidoping pravila se ne mogu primjenjivati retroaktivno na bilo koje kršenje antidoping pravila osim ako odbor koji saslušava slučaj odredi princip „lex mitior.“

- (2) Svako kršenje pravila o mjestu prebivališta, kako je to opisano u Članu 11 Međunarodnog standarda za testiranje će biti preneseno i na njega se može oslanjati, prije isteka, u skladu sa Međunarodnim standardima za testiranje.
- (3) Sportista kojemu traje period nepodobnosti koji ističe nakon datuma važenja, može podnijeti molbu antidoping organizaciji koja je imala odgovornost nad upravljanjem rezultatima za kršenje antidoping pravila da razmotri smanjenje perioda nepodobnosti u svjetlu ovih antidoping pravila. Takva molba mora biti podnesena prije isteka perioda nepodobnosti.
- (4) Na donesenu odluku se može podnijeti žalba na osnovu člana 13.2 Kodeksa.

Članak 88.
(Stupanje na snagu)

Ova antidoping pravila stupaju na snagu 17.2.2011. godine. Ona se neće primjenjivati retroaktivno na pitanja koja su na čekanju prije 17.2.2011. godine. Međutim, slijedeći izuzeci će se primijeniti:

- 88.1 Što se tiče kršenja antidoping pravila koja su u postupku na datum stupanja na snagu i slučajnih kršenja antidoping pravila čiji postupak započne nakon datuma stupanja na snagu, ali je do kršenja antidoping pravila došlo prije datuma stupanja na snagu, slučaj će se voditi prema antidoping pravilima koja su bila na snazi u vrijeme kada je navodno kršenje antidoping pravila počinjeno, osim ukoliko sud koji vodi slučaj odredi da se može primijeniti načelo „lex mitior“ s obzirom na okolnosti odgovarajućeg slučaja.
- 88.2 Svako kršenje Člana 2.4 Kodeksa o mjestu prebivališta (bilo da je to neispunjavanje obaveze popunjavanja ili propušteni test) koje je proglašeno od strane Agencije za antidoping kontrolu po pravilima koja su na snazi prije datuma stupanja na snagu koja nisu istekla prije datuma stupanja na snagu i koja će se tretirati kao kršenje pravila o mjestu boravka prema članu 11 Međunarodnog standarda za testiranje će biti prenesen i na njega se može osloniti, prije isteka, u skladu sa Međunarodnim standardom za testiranje.
- 88.3 Što se tiče slučajeva kada je konačna odluka kršenja antidoping pravila donesena prije datuma stupanja na snagu, ali sportista ili druga osoba još uvijek odslužuju razdoblje nepodobnosti nakon datuma stupanja na snagu, sportista ili druga osoba se mogu žaliti antidoping organizaciji koja je bila zadužena za upravljanje rezultatima za kršenje antidoping pravila da razmotri smanjenje razdoblja nepodobnosti u svjetlu ovih antidoping pravila. godine. Žalbe ove vrste moraju se podnijeti prije nego što je isteklo razdoblje nepodobnosti. Na odluku organizacije za borbu protiv dopinga može se žaliti na osnovu člana 13.2 Kodeksa. Ova antidoping pravila nemaju nikakav uticaj na bilo koji slučaj kršenja antidoping pravila u kojem je konačna odluka o kršenju antidoping pravila donesena i u kojem je razdoblje nepodobnosti isteklo.
- 88.4 Kao predmet Člana 74.7.5 ovih pravila, uvijek će kršenja antidoping pravila počinjena po pravilima koja su na snazi prije datuma stupanja na snagu će se uzeti u obzir kao prijašnji prekršaji u svrhu određivanja sankcija prema Članu 74.7 ovih pravila. Kada je takvo kršenje antidoping pravila, koje se desilo prije datuma stupanja na snagu, uključivalo tvar koja će se tretirati kao specifična tvar prema ovim Antidoping pravilima, za koje izrečena kazna od manje od dvije godine perioda nepodobnosti, takvo kršenje će se smatrati kršenjem skraćene kazne u svrhu Člana 74.7.1 ovih pravila.

Broj:02-50-12-11/11
Datum:17.02.2011.godine

RAVNATELJ
Branko Markić

DODATAK 1 – DEFINICIJE

ADAMS: «Antidoping Administration and Management System» je internetska baza podataka koja služi za unošenje, pohranjivanje, dijeljenje i izvještavanje napravljena na način da pomaže zainteresovanim stranama i WADA-i u antidoping djelovanju, u skladu s propisima o zaštiti podataka.

Adverse Analytical Finding / Nepovoljan laboratorijski nalaz: Izvještaj iz laboratorija ili druge od WADA-e ovlaštene ustanove kojim se u skladu s Međunarodnim standardom za laboratorije i odgovarajućim tehničkim dokumentima u uzorku utvrđuje prisutnost zabranjene tvari ili njezinih metabolita ili markera (uključujući povišene količine endogenih tvari] ili dokaz o korištenju zabranjene metode.

Anti-doping Organization / Antidoping organizacija: Potpisnik koji je odgovoran za prihvatanje pravila o uvođenju, pokretanju ili provođenju bilo kojeg dijela postupka doping kontrole. Taj pojam obuhvata npr. Međunarodni olimpijski odbor, Međunarodni paraolimpijski odbor, druge organizatore velikih sportskih takmičenja koji provode testiranja na svojim takmičenjima, WADA-u, međunarodne saveze i nacionalne organizacije za borbu protiv dopinga.

Athlète / Sportista: Svaka osoba koja učestvuje u sportu na međunarodnom nivou (kako je definira svaki međunarodni savez], na nacionalnom nivou (kako je definiše svaka nacionalna udruga za borbu dopinga uključujući, ali se ne ograničavajući na osobe u njenoj registrovanoj test grupi), svaki drugi takmičar u sportu koji je inače pod nadležnošću bilo koje potpisnice ili druge sportska udruženja koja je prihvatila Kodeks. Sva pravila u Kodeksu, uključujući npr. testiranje i terapijska izuzeća, moraju se primjenjivati na sportiste međunarodnog i nacionalnog nivoa. Neke nacionalne organizacije za borbu protiv dopinga mogu antidoping pravila primjenjivati na rekreacijskom nivou ili na "masters" takmičare koji trenutno nisu ili neće biti takmičari nacionalnog nivoa. Nacionalna organizacija za borbu protiv dopinga ne mora primjenjivati sve aspekte Kodeksa na te osobe. Posebna nacionalna pravila se mogu odrediti za doping kontrolu, za takmičare koji nisu međunarodnog nivoa ili za takmičare nacionalnog nivoa bez da su u sukobu s Kodeksom. Dakle, država može testirati takmičare rekreativnog nivoa, ali ne mora tražiti terapijska izuzeća ili podatke o lokaciji. Na isti način organizator velikih događaja koji održava događaj samo za takmičare "masters" nivoa može odabrati da testira takmičare, ali da ne traži terapijska izuzeća ili podatke o lokaciji. Za svrhe člana 2.8. (Davanje ili pokušaj davanja) i u svrhu obrazovanja i informisanja o borbi protiv dopinga, "sportista" je svaka osoba koja učestvuje u sportu uz odobrenje svakoga potpisnika, svake vlade, ili svake drugog sportskog udruženja koje je prihvatilo Kodeks.

[Komentar definicije sportista: Ta definicija jasno određuje da svi sportisti međunarodnog ili nacionalnog kalibra podliježu pravilima o kontroli i suzbijanju korištenja dopinga iz ovog Kodeksa na precizno definisanoj međunarodnom ili nacionalnom sportskom nivou, koja treba biti jasno naznačena u pravilima međunarodnih saveza i nacionalnih antidoping organizacija zasebno. Na nacionalnom nivou, antidoping pravila koja su prihvaćena prema ovom Kodeksu moraju se primijeniti, kao minimum, na sve osobe nacionalnih timova i sve osobe koje su kvalifikovane za takmičenje na svakom nacionalnom prvenstvu iz svakog sporta. To ipak ne znači da svi takvi sportisti moraju biti uključeni u registrovanu test grupu nacionalne organizacije za borbu protiv dopinga. Ista definicija dopušta svakoj nacionalnoj organizaciji za borbu protiv dopinga da, odluči li se za to, proširi svoj program kontrole i zabrane dopinga preko sportista nacionalnog nivoa na takmičare na nižim nivoima takmičenja. Takmičarima na svim nivoima takmičenja moraju biti dostupne informacije o borbi protiv korištenja dopinga i odnosna obrazovanja.]

Athlete Support Personnel / Sportsko pomoćno osoblje: Svaki instruktor, trener, menadžer, posrednik, timski radnik, doktor ili član pomoćnog medicinskog osoblja, roditelj ili bilo koja druga osoba koja radi sa sportistima koji učestvuju ili se pripremaju za učestvovanje u sportskom takmičenju, ili ih liječi.

Attempt / Pokušaj: Namjerno upuštanje u radnju koja značajno određuje tok sveukupnog ponašanja što je isplanirano tako da kulminira kršenjem pravila o kontroli i zabrani korištenja dopinga. Pod uslovom, međutim, da se kršenje pravila o zabrani korištenja dopinga ne smije ustanoviti samo temeljem pokušaja da se počini prekršaj ako se osoba odrekne pokušaja prije nego što ga otkrije treća strana koja nije uključena u pokušaj.

Atypical finding / Atipičan laboratorijski nalaz: Izvještaj iz laboratorija ili od druge od WADA-e odobrene organizacije koji zahtijeva dalju istragu kao što je navedeno u Međunarodnom standardu za laboratorije ili njima odgovarajućim tehničkim dokumentima prije utvrđivanja da postoji nepovoljan laboratorijski nalaz.

CAS/Sportski arbitražni sud.

Code/ Kodeks (kodeks) : Svjetski kodeks borbe protiv dopinga.

Compétition / Takmičenje: Jedna utrka, utakmica, igra ili jedno pojedinačno sportsko takmičenje. Na primjer, košarkaška utakmica ili finalna atletska olimpijska utrka na 100 metara. Za etapne utrke ili druga sportska takmičenja tokom kojih se nagrade dodjeljuju dnevno ili u međuvremenu, razliku između pojedinačnog takmičenja i sportskog događaja treba odrediti shodno pravilima pojedinog međunarodnog saveza.

Consequences of Anti-Doping Rule Violations / Posljedice kršenja antidoping pravila : Kršenje pravila o kontroli dopinga od strane sportiste ili druge osobe može rezultirati jednom od sljedećih posljedica: (a) Diskvalifikacija znači da se sportistini rezultati proglašavaju nevažećima na određenom takmičenju ili sportskom događaju, sa svim pratećim posljedicama, uključujući gubitak prava na sve medalje, bodove i nagrade; (b) Nepodobnost znači da se sportisti ili drugoj osobi kroz tačno određeno razdoblje zabranjuje učestvovanje u svim takmičenjima ili drugim aktivnostima, ili u osiguravanju finansijskih sredstava, kako to propisuje član 10.9.; i (c) Privremena suspenzija znači da se sportisti ili drugoj osobi privremeno zabranjuje učestvovanje na svim takmičenjima prije konačne odluke na saslušanju koje se provodi na način što ga propisuje poglavlje 8. (Pravo na pravedno saslušanje).

Disqualification / Diskvalifikacija: Pogledati Posljedice kršenja antidoping pravila.

Doping Control / Doping kontrola: Svi koraci i postupci od planiranja rasporeda testiranja do konačnog rješavanja žalbe uključujući sve korake i postupke između kao što su upravljanje podacima o lokaciji, prikupljanje i upravljanje uzorcima, laboratorijska analiza, terapijska izuzeća, upravljanje rezultatima i saslušavanja.

Event/Sportski događaj: Niz pojedinačnih takmičenja koja se održavaju zajedno, pod jednim upravnim tijelom (npr. Olimpijske igre, Svjetska plivačka takmičenja FINA-e, ili Panameričke igre).

Event period/Trajanje događaja: Razdoblje između početka i kraja događaja određeno od strane tijela koje upravlja događajem.

In-Competition / Testiranje na takmičenju: Izuzev ako je to drugačije propisano pravilima međunarodnog saveza ili druge relevantne nacionalne organizacije za borbu protiv dopinga, u takmičenju znači razdoblje koje obuhvata 12 sati prije takmičenja na kojem će sportista učestvovati pa sve do kraja takmičenja i postupak prikupljanja uzorka u vezi s tim takmičenjem.

Independent Observer Program / Program nezavisnih posmatrača: Tim posmatrača, pod nadzorom WADA-e, koji pažljivo motri postupak doping kontrole i može dati uputstva za postupak doping kontrole tokom sportskih događaja i izvještaje o svojim opažanjima.

Ineligibility / Nepodobnost: Pogledati Posljedice kršenja pravila o antidoping.

Individual sport / Pojedinačni sport: Svaki sport koji nije timski sport.

International Event/ Međunarodni sportski događaj: Sportski događaj u kojem Međunarodni olimpijski odbor, Međunarodni paraolimpijski odbor, međunarodni savez, organizator velikog sportskog događaja ili neka druga međunarodna sportska organizacija djeluju u svojstvu službenog upravnog tijela ili imenuju svoje stručne dužnosnike za taj sportski događaj.

International-Level Athlete / Sportista međunarodnog nivoa: Sportista kojeg jedan ili više međunarodnih saveza uvrštava u svoju registrovanu test grupu.

International Standard / Međunarodni standard: Standard koji je prihvatila WADA kao podršku Kodeksu. Udovoljavanje Međunarodnom standardu (za razliku od drugog alternativnog standarda, prakse ili postupka) mora biti dovoljno da se zaključi kako su postupci koje propisuje Međunarodni standard propisno provedeni. Međunarodni standardi će uključivati sve tehničke dokumente izdate u skladu s Međunarodnim standardom.

Major Event Organizations / Organizatori velikih sportskih takmičenja: Kontinentalna udruženja nacionalnih olimpijskih odbora i druge međunarodne multidisciplinarne sportske organizacije koje djeluju kao upravno tijelo svakog kontinentalnog, regionalnog ili drugog međunarodnog sportskog događaja.

Marker / Marker: Smjesa, skupina spojeva ili bioloških faktora, koja upozorava na korištenje zabranjenih tvari ili zabranjenih metoda.

Metabolite / Metabolit: Svaka tvar proizvedena postupkom biološkog preobražaja.

Minor / Maloljetnik: Fizička osoba koja nije dostigla punoljetnost u smislu važećih propisa njegove/njezine države.

National Anti-Doping Organization - Nacionalna organizacija za borbu protiv dopinga: Subjekt (subjekti) koji svaka država ovlašćuje i proglašava primarno odgovornom za prihvatanje i provođenje pravila borbe protiv dopinga, za izravno prikupljanje uzoraka, upravljanje rezultatima i vođenje saslušanja, a sve to na nacionalnom nivou. Ovo uključuje tijelo koje može biti određeno od većeg broja država da služi kao regionalna organizacija za borbu protiv dopinga za te države. Ako nadležna vlast nije imenovala takav subjekt, ulogu subjekta preuzima nacionalni olimpijski odbor dotične države ili subjekt kojega on sam odredi.

National Event / Nacionalni sportski događaj: Sportsko takmičenje koje uključuje sportiste međunarodnog ili nacionalnog nivoa, ali koji nije međunarodni sportski događaj.

National Olympic Committee / Nacionalni olimpijski odbor: Organizacija koju priznaje Međunarodni olimpijski odbor. Termin nacionalni olimpijski odbor mora, također, obuhvatati i nacionalno sportsko udruženje u onim državama u kojima nacionalno sportsko udruženje preuzima uobičajene odgovornosti nacionalnog olimpijskog odbora u domeni kontrole i borbe protiv dopinga.

No Advance Notice/Kontrola bez prethodne najave: Doping kontrola koja se provodi bez prethodnog upozorenja sportisti i tokom koje sportista biva stalno praćen od trenutka obavještenja o kontroli do završetka postupka uzimanja uzorka.

No Fault or Negligence / Bez krivice ili nesavjesnog ponašanja: Izjava sportiste prema kojoj on ili ona nisu ni znali ni posumnjali, niti su mogli razborito znati ili posumnjati čak ni uz najveću mjeru opreza da su, on ili ona, koristili ili dobili zabranjenu tvar ili zabranjenu metodu.

No Significant Fault or Negligence / Bez značajnije krivnje ili nesavjesnog ponašanja: Izjava sportiste prema kojoj njegova ili njezina krivica ili nesavjesno ponašanje, ako ih se razmatra u sklopu sveukupnih okolnosti i kriterija koji proizlaze iz gornje izjave o nepostojanju krivice ili nesavjesnog ponašanja, nisu bili od veće važnosti u pogledu kršenja antidoping pravila.

Out-of-Competiton / Doping testiranje izvan takmičenja: Svaka doping kontrola koja se ne provodi u takmičenju.

Participant / Sudionik: Svaki sportista ili član sportskog pomoćnog osoblja.

Person/Osoba: Fizička osoba ili organizacija ili drugi subjekt.

Possession / Posjedovanje: Stvarno, fizičko posjedovanje, ili pak izvedeno posjedovanje (koje se može ustanoviti samo ako osoba ima isključivu kontrolu nad zabranjenom tvari ili zabranjenom metodom ili nad odajama u kojima zabranjena tvar ili metoda postoji); ako, međutim, osoba nema isključivu kontrolu nad zabranjenom tvari ili zabranjenom metodom ili nad prostorima u kojima zabranjena tvar ili zabranjena metoda postoji, izvedeno posjedovanje može se ustanoviti samo ako je osoba znala za postojanje zabranjene tvari ili zabranjene metode i ako je namjeravala preuzeti kontrolu nad njom. Međutim, ne postoji kršenje antidoping pravila, samo na temelju posjedovanja, ako prije dobivanja obavještenja bilo kakve vrste o tome da je osoba počinila kršenje antidoping pravila, osoba preduzme konkretne korake kojima se može pokazati da ta osoba nikada nije imala namjeru posjedovati i odrekla se posjedovanja izričito to objavljujući organizaciji za borbu protiv dopinga. Unatoč bilo čemu nasuprot ovoj definiciji, kupovina (uključujući elektroničkim ili bilo kojim drugim putem) zabranjene tvari ili zabranjene metode predstavlja posjedovanje od strane osobe koja kupuje.

[Komentar: Prema toj definiciji, steroidi pronađeni u sportistinom automobilu mogli bi predstavljati prekršaj izuzev ako sportista ne dokaže da se neko drugi koristio automobilom; u tom slučaju, organizacija za borbu protiv dopinga mora dokazati da je sportista, iako nije imao isključivu kontrolu nad vozilom, znao o postojanju steroida te da ih je namjeravao držati pod kontrolom.

Sličan je tome i slučaj steroida pronađenih u porodičnom ormariću za držanje lijekova, koji je pod zajedničkom kontrolom sportiste i supruge/supruga, kada organizacija za borbu protiv dopinga mora dokazati daje sportista znao za postojanje steroida u ormariću i da je sportista namjeravao imati kontrolu nad steroidima.]

Prohibited list / Lista zabranjenih sredstava: Lista kojom se određuju zabranjene tvari i zabranjene metode.

Prohibited Method / Zabranjena metoda: Svaka metoda koja je proglašena zabranjenom na Listiu zabranjenih sredstava.

Prohibited Substance / Zabranjena tvar: Svaka tvar koja je proglašena zabranjenom na Listiu zabranjenih sredstava.

Provisional Hearing / Privremeno saslušanje: U smislu člana 7.5., žurno skraćeno saslušanje koje se obavlja prije saslušanja u smislu poglavlja 8. (Pravo na pravično saslušanje), kada se sportisti uručuje odnosno obavještenje i upoznaje s mogućnošću da se izjasni bilo u pismenom ili usmenom obliku.

Provisional Suspension / Privremena suspenzija: Pogledati pod posljedice kršenja antidoping pravila.

Publicly Disclose or Publicly Report / Javno obnanzivanje ili javno izvještavanje: Širenje ili dostavljanje informacija javnosti ili osobama izvan kruga onih osoba koje imaju pravo biti ranije obaviještene o prekršaju u skladu s poglavljem 14.

Registered Testing Pool / Registrirana test grupa: Grupa sportista najvišeg nivoa što ga svaki međunarodni savez i nacionalna organizacija za borbu protiv dopinga određuje pojedinačno, a koji podliježu testiranju na takmičenju i testiranju izvan takmičenja u okviru planiranog rasporeda testiranja tog međunarodnog saveza ili nacionalnog udruženja. Svaki međunarodni savez će objaviti Listu koji utvrđuje koji su sportisti uključeni u registriranu test grupu imenom ili su jasno određeni specifičnim kriterijem.

Sample Specimen / Uzorak: Svaka biološka tvar koja se prikupi u svrhu doping kontrole.

[Komentar: Ponekad se tvrdi da se prikupljanjem uzoraka krvi krše pravila određenih vjerskih ili kulturnih grupa. Utvrđeno je da nema osnova za takve tvrdnje.]

Signatories / Potpisnici: Subjekti koji potpisuju Kodeks i pristaju pridržavati ga se, uključujući Međunarodni olimpijski odbor, međunarodne saveze, Međunarodni paraolimpijski odbor, nacionalne olimpijske odbore, nacionalne paraolimpijske odbore, organizatore velikih takmičenja, nacionalne organizacije za borbu protivdopinga, iWADA-u.

Sport associations/Sportska udruženja: Pod sportskim udruženjima smatraju se sva pravna lica u oblasti sporta iz članka 16. Zakona o športu u Bosni i Hercegovini (Službeni glasnik Bosne i Hercegovine broj 27/08 i 102/09)

Sport persons/Fizičko lice iz oblasti sporta: Pod fizičkim licem iz oblasti sporta smatraju se fizička lica iz članka 36. Zakona o športu u Bosni i Hercegovini (Službeni glasnik Bosne i Hercegovine broj 27/08 i 102/09)

Substantial assistance / Značajna pomoć: U skladu s stavom 10.5.3. osoba koja daje značajnu pomoć mora: 1] potpuno razotkriti u pisamenoj i potpisanoj izjavi sve podatke koje posjeduje u vezi s kršenjem antidoping pravila i 2) u potpunosti sarađivati u istrazi i izricanju presude u bilo kojem predmetu koji je u vezi s tim podacima, uključujući npr. svjedočenje na saslušanju ukoliko to zahtijeva organizacija za borbu protiv dopinga ili vijeće koje saslušava. Nadalje, dostavljeni podaci moraju biti vjerodostojni i moraju sadržavati važan dio svakog slučaja koji je pokrenut ili, ako nije pokrenut nikakav slučaj, mora sadržavati dovoljnu osnovu na kojoj se može pokrenuti postupak.

Tampering / Krivotvorenje: Mijenjanje za neprimjerenu svrhu ili na neprimjeren način; neprilično uticanje; neprilično uplitanje; ometanje, navođenje na krivi trag ili upuštanje u bilo kakve prevarne radnje zbog mijenjanja rezultata ili zbog sprečavanja provođenja uobičajenih postupaka; ili davanje lažnih podataka organizaciji za borbu protiv dopinga.

Target Testing / Ciljano testiranje: Odabiranje sportista za testiranje, pri čemu se tačno određeni sportisti ili grupe sportista sistematski i ciljano biraju za testiranje u tačno određeno vrijeme.

Team Sport / Timski sport: Sport u kojemu se dopušta zamjena igrača tokom takmičenja.

Testing / Testiranje: Dijelovi postupka doping kontrole koji obuhvataju planiranje testa, uzimanje uzorka, rukovanje uzorkom i prevoz uzorka u laboratorij.

Trafficking / Nedopušteno trgovanje: Prodavanje, davanje, snabdijevanje, slanje, isporučivanje ili rasparčavanje zabranjene tvari ili zabranjene metode (fizički ili elektronski ili drugim sredstvima) od strane sportista, sportske pomoćne osobe ili od bilo koje druge osobe koja je pod nadležnošću organizacije za borbu protiv dopinga trećoj strani; s tim da, međutim, ova definicija ne uključuje postupke u dobroj vjeri medicinskog osoblja koji uključuju zabranjenu tvar korištenu za stvarnu i zakonitu terapijsku svrhu ili drugo prihvatljivo opravdanje i ne uključuje djelovanja koja uključuju zabranjene tvari koje nisu zabranjene na testiranjima izvan takmičenja osim ukoliko sveukupne okolnosti ukazuju na to da se zabranjene tvari ne namjeravaju koristiti u stvarne i zakonite terapijske svrhe.

UNESCO convention/UNESCO-va konvencija: Međunarodna konvencija protiv dopinga u sportu prihvaćena na 33. zasjedanju UNESCO-ve glavne konferencije 19. oktobra 2005., uključujući sve izmjene i dopune prihvaćene od strane država stranaka i konferencije stranaka međunarodne konvencije protiv dopinga u sportu.

Use / Korištenje: Upotreba, primjenjivanje, gutanje, injektiranje ili konzumiranje svake zabranjene tvari ili zabranjene metode, na sve načine.

WADA/Svjetska agencija za borbu protiv dopinga.